




1466





金華黃先生文集

八



TIFFEN Color Control Patches © The Tiffen Company, 2007





金華黃先生文集卷第二十七

續景二十四

神道碑

臨川危素編次

番禺劉耳校工

御史中丞贈資政大夫中書右丞上護軍追封平陽郡公

諡文靖徐公神道碑

公諱毅字伯弘姓徐氏世為平陽趙城人家于霍峯鄉石明里

高祖諱澤曾祖諱潤皆力本尚義值金季之亂晦迹弗耀入

皇朝始有出而仕者祖諱玉由元即府都提控歷寧縣提領奇

嵐州長官終於濟東南路提舉常平倉事御史中丞王公傳文

銘其墓累贈嘉議大夫上輕車都尉追封平陽郡侯祖妣高氏

平陽郡夫人考諱德舉由高書省掾出為平陽路轉運司經歷

終於太原路監使司提舉翰林學士承旨姚公燧銘其墓累贈

中奉大夫護軍追封平陽郡公妣盧氏邢氏並平陽郡夫人公

盧夫人出也幼穎異十歲受業於魏國許文正公磨礪浸灌日長月益以清方勁正為眾所嚴憚莫不以遠大期之弱冠辟

椽調同知檀州事當國者急於賦歛督責甚峻部縣長吏

奉承如恐弗及公獨不阿其意惟務布德澤以甦疲瘵人稱其

有古循吏風

世相皇帝聞其名權監察御史上言江南新附未久宜隱卹流

亡以固民心京師天下根本宜蠲除地稅以厚民力檢覈災傷

宜以時而發倉廩之儲捐川澤之利申明酒禁以修荒政蠲寡

孤獨宜有養民所疾苦宜遣使詢問方今庶政姑息中書親細

務而宰相失體六部煥屬多非其人因力陳省臺為治之要及

憲司事宜監治官吏當加儆戒不可因人之誣言而升降察官

行樞密院行大司農司行通政院及尚書省理筭受賞筵官者

皆可罷又以日食地震乞罷諸行省四川妄啓邊釁文臣虛勞

王師敵策以邀功生事者宜勿聽官軍承襲皆膏粱子弟未嘗

知兵當別議立法增國子之負重教官之選以興學校治宗廟

以崇祀典修國史以有故實設朝立班不可全無流品之分寔

封陳言毋使苟為進身之計它如選用官吏減錢糧之費理婚

田之訟馬禁水利監鈔諸法其弊當救者前後所奏七十餘疏

其言後多施行

世祖竄天上封事于

太皇太后皇太后曰四海不可一日無君

大行皇帝奄簾天下已五日矣苟非早定大策萬一或啓姦覲

變生不測實可寒心 皇孫撫軍朔漠

先帝既授以 皇太子寶聖意可知伏願明諭宗藩大臣叶

謀推戴遣使奉迎歸正大統上以副

先帝之遺意下以慰四海萬民之所屬望廷議聽之

成宗皇帝既踐天位首請早正東朝尊號以嚴孝養因言

陛下方虛心求治而大臣不肯任事人王之賦在論一相今宰

相負太多論議不一伯顏乃先帝舊臣留以貴陛下宜亟

相之為治不在過求高遠但當遵守舊制其要有四親賢遠佞

信賞必罰而已又伏闕上言建立儲二敦睦宗藩選任臺諫教

習親軍勿事西南夷而專備北邊不可殺等十事所上疏又

二十餘上皆嘉納為擢僉叅西漢中道肅政廉訪司事未

上改吏部員外郎時選曹事多壅滯公不避權勢凡銓量注擬

必考其資歷察其才品人皆悅服奉詔使甘肅給軍儲雜

買轉輸規指有法事集而民不擾除兪河東山西道肅政廉訪

司事閱所部獄因而得其寃狀所釋五百餘人時稱明允召為

徽政院長史舊例臺察於徽政之事一無所問公謂法者天下

之公器宜共遵而行之臺察者執法之司何獨不得與聞徽政

之事乎有與公不相能者乃詆之公即謝去尋除樞密院經歷

贊決事機申嚴號令本兵者賴其攸助為多遷御史臺都事改

右司郎中除陝西行臺治書侍御史並以外艱不赴服除召為

左司郎中夙夜匪懈彌綸庶政損益進退必中其度列曹咸取

則焉擢治書侍御史柄臣欲構害御史郭章公力為之辨有沮

之者事竟報聞公以言不行自引去召還授陝西漢中道肅政

廉訪使閔右地接羗戎人多強悍號稱難治公柔之以恩而懼

之以威土俗為之丕變入為刑部尚書上言自昔有國家者必

定律令使有司知所遵守方今承平日久宜恭而古今立一代

之成法 上可其奏仍命總其事方次第就緒未及上而改授河北河南道肅政廉訪使無何復入為刑部尚書擢侍御史除僉樞密院事

仁宗皇帝在儲闈素知其有公輔之器及正位 宸極擢江

南行臺侍御史遷燕南河北道肅政廉訪使召赴 闕遂奏

議中書省事項之拜陝西諸道行御史臺御史中丞力辭而歸

每謂人生未老得閑乃為貴吾年周六甲歷事 四朝恒以

無能補報為懼安敢昧止足之戒乎延祐元年十二月二十六

日以疾薨于里第之正寢享年六十有一某年某月某日葬某

鄉某之原公累潛資善大夫失訃聞 上嗟悼不已 詔特

贈資政大夫中書右丞上護軍追封平陽郡公謚文靖仍命詞

臣為贊書以褒寵之娶裴氏封平陽郡夫人子男一人宗義亞

中大夫衡州路總管女四人長適常德路總管裴宗文次適姜

某夫亡年未三十即歸居父母家今已七十餘次適朝列大夫

曹州尹麻廓次適敦武校尉某處權茶提舉王琦孫男二人

僖公遺書有奏議五卷詩文三卷翰林學士吳公澄為之序惟

公以純實之資克承正學曹逢聖代為晚名臣雖雅志恬退而

造次不忘於變君憂國光膺茂渥生榮死哀不亦宜乎公歿之

歲潛始舉進士至京師三十有五年公孫倅以墓隧之碑夫建

介翰林脩撰王宗哲以銘來屬潛雖不及游公之門而覲其光

儀聆其聲歎讀公之書而論其世君臣之際何其盛哉序而銘

諸史臣之職也曷敢以不敏辭銘曰

惟公之先隱顯以時再世外官不大厥施委其餘杜伊公之貽

公初筮仕華問四馳擢真臺端用副倚毗作 帝耳目為國

著龜 宮車晚出人心危疑盡言無避神器有歸出將使指
風紀是持入綴從班獻納論思乃濟宥府乃陪宰司訂謨遠猷
贊襄萬幾峻陟文階執法太微胡然遠引莫可馬鞵公身在外
忠愛不哀庶公復來赤烏袞衣遺表上聞 當宁齋咨一鳳
之鳴六龍以飛申錫寵褒厥有制詞有封后堂昭以銘詩

泇海上副萬戶石抹公神道碑

至正七年冬十月二十七日武德將軍泇海上萬戶府副萬戶
石抹公終于台州之私第卜以其年某日從葬于柳城之
先塋公諱明里帖木兒別名繼祖字伯善迪烈人其先出於
梁蕭氏隋蕭后以族入于突厥后歸唐而其族留突厥至遼為
述律氏仕遼多至顯官金滅遼改命為石抹氏曰庫烈而者於
公為六世祖義不仕金望日再拜而卒曰脫羅華察耳者於公

為五世祖承先志亦不仕其第二子曰鮮公高祖也問父何
為不仕父語以其故慨然曰兒必復之金主聞其材武多智召
為奚部長固辭弗獲乃悍兄瞻德納姑受之以全其宗遂去
之北野山射狐鼠以食誓不食金粟聞

太祖皇帝龍興朔漠乃杖策來歸謁拜于九旂白旗之下言東
京金人根本之地得東京則金何圖 上即命取東京師次

高用與之千騎使為前鋒謀知東京新易留守出奇計獨與數
騎邀殺之遂入東京得地千里戶十萬八千勝兵十萬進攻北

京三年而克之得其守將四十有七城邑二十二有 旨以

北京旅拒王師當屠力諫止焉特授御史大夫領北京達魯花
赤別募精銳之士萬二十號黑軍以其籍來上賜金虎符加上
將軍提控諸路元帥府便宜行事

太祖西征俾統虜漢黑軍偕諸將經畧中原徇地至蠡州死焉
曾祖諱查刺繼為御史大夫統黑軍定河東陝西諸郡移師攻
益都城破衆欲盡殲降者堅持不可益都之人生為立祠以黑
軍長驅入汴進拔睢陽

太宗皇帝疇其勞授真定兼北京兩路達魯花赤祖諱庫祿蒲
以黑軍與從弟度剌攻襄陽樊城

世祖皇帝念其祖父之功降 制褒諭賜金符為總管與叛

將戰于濟南死焉考諱良輔以黑軍攻五河及湖南諸部宋平
論功行賞賜金虎符歷蔡州管軍萬戶黃州招討使尋以公海
副都元帥開闡于四明會改元帥為萬戶遂以為公海上萬戶
府副萬戶累階昭毅大將軍由昭毅而上四世有傳在國史妣
莊氏封某郡太夫人公少負材而尚氣不肯為人下大德七年

以門功入備宿衛事

成宗皇帝為舍利別赤將 上旨禱祠山川所過州邑名人

魁士莫不器重之十一年昭毅公以老謝事 詔以公嗣其

職方是時承平日久黑軍散落之餘多已它屬

武宗即皇帝位

仁宗為皇太子 上命悉括黑軍以衛東宮宗戚貴臣弗便

事遂寢公初以公海軍分鎮台州皇慶元年又移鎮婺處兩州

馭軍嚴肅而恩意周浹當棟放而老且貧不能歸者曲為之地

使有以自給而達於鄉里旅殯者累數百擇地為叢冢聚瘞而

時祭之發之教場多餘地最為沃衍相其土宜樹桑藝粟麥而

儲其入幕府勞徠供億軍中藥餌棺槨咸取給焉暇日則延師

儒咨諏善道士譽翕然居民亦樂其不擾徃徃形於謠詠江西

大盜起寧都寇贛州列郡皆警 朝廷命行省宰臣親率諸

道兵往討之公預在行聞公所設方畧深服其決機之精即激

公為行軍都鎮撫部郅復諸軍生縛其兇渠二入而乘勝擣其

巢穴逆黨潰去元惡尋亦執擒乃班師凱旋處之遂昌愚民嘯

聚竊發郡縣約官軍合捕公按兵不出單騎直抵其處責長吏

失於撫字諭富家輸粟賑濟而圍結保伍以自衛不旬日誅其

首亂而歸其同黨三十五人于有司餘皆令復業如故兩浙之

盜法積弊日滋行省俾公與轉運司官共整治之公訪求其致

弊之源隨事釐革亭戶之凋耗者亟為僉替使無缺役官課既

登而民間私煮盜販之害有未盡除事聞于上命行省擇所部

萬戶歲一巡歷以申明其禁令公首膺茲選所至人莫敢犯或

弗悛而麗于法立款其罪未嘗留獄由是平民免於誣構株連

之患公復深究其利病的古今之宜為上中下三策行省以上

于中書事格不行有識之士以公言不可廢相與刻寘郡庠人

至今傳之昭毅公既老每懷鄉土之念捐館之日家僅存遺書

數千卷公粥其故廬為舟車之費奉柩還莫柳城餘貲悉分諸

弟太夫人以留遼東因迎侍南來致其孝養諸弟相繼即世撫

育其孤子至於成立嫁其孤女咸得所歸公初從昭毅公在四

明師事前進士史先生蒙卿先生沒公為治葬且割田以祭焉

四明之學大抵祖六氏而宗楊表惟先生上接曩氏之傳為學

一本於朱子公天資穎悟凡先生所指授聞輒領解然不徒守

其空言而務存明體以達用自經傳子史下至名法縱橫天文

地理數術方技異教外書靡所不通而韜鈴之秘則家庭所夙

講商榷古今亶亶忘倦治法征謀如指諸掌公素慕為奇節偉

行非常之功有志於當世而喜推轂士類志局于位弗克盡展
所蘊因自號北野兀者年踰強仕即請納祿舉仲第振祖以自
代樂台州山水之勝買田築室而居爲扁宴沐之所曰抱膝軒
雅歌賦詩以自娛家事付之諸子一無所問更自號太平幸民
致和天歷之交行省強起公防遏松江海道事定表為閩帥公
微聞之以親老力辭及太夫人以高壽終公年已耳順哀毀過
禮既奉柩附葬于昭毅公之在廬墓三年然後去太夫人所遺
服御之物悉以畀季第其篤於孝友天性然也省臺交章列荐
略不動其意章官之令下亦不自陳安常待終不疾而逝享年
六十有七所著抱膝軒吟若干卷清新高古有作者風娶弘告
刺氏封武平郡君子男五人長宜孫鼐武德將軍泚海上萬戶
府副萬戶次文孫汝德孫淇國子學生次厚孫今以昭信校尉

為泚海上萬戶府副萬戶次哈刺女三人長適秦不葉

英宗龍飛佳士第一今累遷翰林侍讀學士中奉大夫知制誥
同脩國史餘在室昭信君以葬有日奉公門下士潘倬之狀以
碑銘來屬澗幸辱游公父子間且與侍讀公同官為僚不敢以
衰朽不文為解狀稱公個儻似魯仲連淵深機密似李泌得士
似魏公子無忌廉退似邴曼容至於料敵制勝論事剴切抑又
公之所長人以為知言銘申

猗公之先為時名臣運去物改不事二君逮其孫曾歸我

真主累將重侯勲在盟府垂休五葉惟公敬承際逢熙運四方
砥平專城坐鎮偃旗卧鼓海波不驚萬室按堵蝨蠹之細安足
掃除小試之效特公緒餘公材則多敏而悅學九流百家由博
而約經綸之妙出武入文歛葳弗耀抗志青雲時逾兩紀優游

事外嘯歌息偃春融蟬蛻積慶儲祉畀于後人提將之符縻戟
在門史所屢書公先四世嗣作公碑其尚無媿

嘉議大夫禮部尚書致仕于公神道碑

至正十三年九月己巳嘉議大夫禮部尚書致仕于公終于平
江里第享年七十有八以其年十月丁酉葬吳縣至德鄉洞漣
鴈蕩之原公諱文傳字壽道姓于氏于之得姓始於春秋時宋
大夫犢漢有蜀郡尉獻吳有軍師吉晉有將軍瓚著作郎寶史
氏所紀代不乏人其後有家于汴而仕于宋至武顯大夫者曰
思義於公為六世祖武顯之子曰信於公為五世祖建炎初與
其弟武節大夫恭扈蹕南渡僑居平江子孫因占籍為高祖諱
振曾祖諱拱辰皆弗仕祖諱宗顯承信郎今贈亞中大夫鎮江
路總管輕車都尉追封穎川郡侯祖妣具氏追封穎川郡夫人

考諱雷龍鄉貢進士入

皇朝終於饒之慈湖書院山長今

贈嘉議

大夫兵部尚書上

輕車尉追封穎川郡侯妣吳氏顧氏

所生母陸氏並追封穎川郡夫人其詳具如公同年翰林學士
承旨歐陽公玄所為贈封之碑初承信府君雖仍先世以武弁
入官而力教其子以文易武故兵部府君一薦于漕再荐于鄉
最後遂與長子湯同上春官鄉人榮之未幾塲屋事廢湯亦卒
而陸夫人生公兵部府君名以今諱蓋深有望焉公少嗜學十
歲能屬文年未弱冠兩聲譽籍甚用舉者為吳及金壇兩縣學
教諭饒之慈湖書院山長浙右憲府辟入幕未赴而丁兵部府
君憂

仁宗臨御之始有

詔著取士令公首以江浙鄉貢會試京

師登延祐二年乙科被

旨賜進士出身故事布衣入官假

階當二等主選吏以舉人亦起於布衣疑未決 上特命蒙
古人與正六品階後勿用為例餘皆與對品階授承事郎慶元
路同知昌國州事昌國一海島耳民頑犷不易治其尤無良者
往往群行剽掠於鉅海中若化外然公柔之以恩信俗為之變
長官有強愎自恣者公不與校而推誠以待之久乃自屈服瀕
海有三塩場司其事者帖轉運使之勢虐使州民身服重役而
家業破蕩公語同寮曰吾屬受 天子命以牧此民可坐視
而弗之救乎乃亟為之陳理辭嚴義正上官莫能奪民賴以免
在官五年去之日如始至還承務郎平江路長洲縣尹長洲公
鄉邑地廣人稠牒訴輻輳歲輸秋租至四十餘萬石公於閔決
趣辦具有條理使傳徃來將迎無虛日亦靡憚其勤徒揭公署
無事未嘗輒出而親舊莫敢通私謁會創行助役法凡民田

畝令以三畝入于官為受役者之助行中書省檄公專任長洲
之事既又連以華亭上海兩縣無錫一州之事諉為公之號令
素孚於長洲之民間公諭以善言無敢為詭寄所得皆腴田旬
日而事集華亭上海之亭戶不統於有司而無錫多豪家大姓
非長洲比公委曲化導人皆悅從詭寄之弊既絕亦以腴田來
歸中人之家自是不病於役以陸夫人喪去官服闋遷承德郎
湖州路烏程縣尹富民張某之妻王無子張陰納一妾於外生
子未周歲王誘之來逐其妻而留其兒以器貯水沈之不死以
帛勒其頸乃死夜以醬塗死兒而焚之張知而無如之何公聞
之乃發其事死兒餘骨已至官王厚賄妾之父母買鄰家兒以
為妾所生兒初不死公令妾抱而乳之兒啼不就抱亦不肯食
妾之父母辭窮吐實乃呼鄰婦至庭下兒見親母躍入其懷乳

之即食王遂伏殺兒之辜人以為神明毋徒縣民周某有一女
二子而二子共殺其女獄久不決浙西憲司俾公往鞠之公於
片時間悉得其情而周有母乞貸二子命以養其老公謂二子
所承有輕重合以首從論乃議以為首者當殺姊之罪為從者
免其死使養之憲司如公言人稱明允安定胡先生葬何山寺
僧壞其墓而擄其地穀十年來郡守之清強有風力者與之爭
皆莫能得公白于天府姑還其舊而表樹焉陞奉議大夫徽州
路婺源州知州婺源依山為州民素淳朴而世降風移俗習變
遷男女婚聘後富則逾其約有育其女至老死不嫁者親喪貧
則不舉有停其柩累數世不葬者公下車即呼其耆老使以禮
訓告之閱三月而婚嫁喪葬之事俱畢朱文公上世居婺源故
業為豪民所并子孫訴于有司莫能直公呼豪民析之以理不

煩窮治而悉歸之募好義者即宅建祠令其家世守為富民江
某出游京師娶倡女張為婦江既客死張間閨數千里返其柩
以葬前妻之子遇之不以禮而重困苦之且給脫粟二升使自
舂爨以食張不能堪子恐生它變乃與其弟共殺之瘞其尸山
谷間官府知之而利其賄不問也公曰為人子而戕其庶母人
道滅矣可道其誅乎乃發其事而論如法陞朝列大夫平江路
吳江州知州吳江去公家僅數十里猶長洲也公綜理裁決小
大庶務處之以公而行之以恕親舊訖無間言公歷仕所至必
以均賦役為先催科追逋一用信牌度其緩急而嚴為程限民
亦不敢違村落之間不識有悍吏之叫囂隳突也至於明要吏
以正官常謹防閑以清吏弊厚拊養以紓民力精勸勵以淋士
心有古循吏之風焉人始而憚久而安終而愛且慕既去而又

思之也在

世祖時王文康公鶚嘗請脩遼金史至

仁宗時李文忠公孟又嘗請脩宋史久未有成書

今天子至正三年始命首相總其事凡文學侍從之臣布在列位並令入館分任述作其效官于四方及山林之遺逸咸加搜訪俾預討論於是公自吳江召入居宋史前局公恪恭其職雖憊不少休甫逾再暮而三史咸以次告成燕犒錫賚寵數優渥仍有旨四品以下各進一官擢公集賢待制朝請大夫居無何遂致仕先是

朝廷為官擇人以公才長於治劇而數煩以

州縣之事公以治行為一道最而舉於憲府者四韓公鏞乘使者車按行屬部至親作烏程諠以紀其政績惜乎所試者小未能盡展其經綸之蘊晚逢盛際峻躋邇列人皆期公致位通要

有大設施而公雅志廉退意髮未衰輒請納祿優游里閭垂將十年而以壽終縉紳先生及于是者其幾何人公氣貌充偉識度凝遠遇事皆不苟平居衣服無華飾食無珍味而於親庭之養家廟之祭必致其豐腆無他玩好而獨耽於書手自校讎至老不倦喜接引後進來者必與均禮而諄諄誘掖之江浙西鄉閭聘公同考試者三主其文衡者四所取士後多知名為文務雅正不事浮藻有來謁者亦不厭於應酬公以仁里自號暮年又自號止齋有仁里漫藁若干卷藏於家娶顧氏逾年而卒繼時氏累贈穎川郡夫人繼朱氏亦皆前卒時夫人執婦道尤謹有子男三人長蘄用公致仕澤為忠翊校尉河南府路同知陝州事次旌建寧路醫學正次城國子生女五人長適張思誠早卒次適管理冊徒縣儒學教諭次適葉元英次適章祥次適

陶思敬嘉興倉監支納庶女二人一許嫁袁養福一尚幼孫男
八人德潤德淵德源德洵德溫德浚德濟惟德淵為國子
學生餘皆業儒女四人曾孫男一人女二人公之歿也遺命建
墓旗方在官下旌及城弗敢違逾月而窆烏與時夫人同死域
空窆之事甫畢疆適以秩滿受代而還攀號靡及乃奉公甥吳
洪之狀逾濤江走舍葦山中問銘於潛以作公碑始公入秉史
筆潛實同被召命適遭內艱弗果赴逮公書成受賞得謝而歸
潛乃起自休致承乏太史屬預間時 本朝后妃功臣傳幸
從諸公之後執筆具草而竟未獲裁定上進潛之不敏媿公多
矣安足以任不朽之託乎然以江浙之士與公為同年者十人
潛獨後死義不得辭也銘曰
氣運合一人材乃完公生其時弗後弗先

皇仁在上豐水有芑長之育之逮夫強仕乃拔其萃乃揚其英
哀然前列旅於 天廷跋跋退讓守官外服進也不亟鴻漸
于陸孰過公歸俾居 帝旁蘭臺石室大啓秘藏歷觀後王
推求故實用禪 乙覽考其得失疇功冊府筭迹仙班
上方眷公公遽引年東門祖錢光華載路八座之崇 熙朝
異數九原莫作一鑑未亡疏封錫謚嗣舉曩章頌慙不敏汗青
無日猶及銘公曰筆則筆

嘉議大夫婺州路總管兼管內勸農事控右解公神道碑
公諱忽都達而字通叟系幽蒙古裡古解氏其光曰伯帖木兒
世居雲中曾大父曰阿七赤那演以侍衛近臣受知 先朝
弗及官而歿大父內大者楊州路泰興縣遠魯花赤當用公恩
贈官封爵未命父曰阿散累贈嘉議大夫禮部尚書上輕車都

尉退封雲中郡侯初尚書侍親至江南因占籍於金陵後又
 湖北而卜居於澧陽母蜀人馮氏宋某路提點刑獄立之孫女
 追封雲中郡夫人有子一人即公也公幼警敏篤孝於親比長
 雅好儒術游學湖湘間從名師受經史而究其大義肆筆成文
 咸造於理儕輩敬歎自以為莫及俗尚淫祀公讀書之所勞民
 家穀有鬼禍公為驅逐禁止之一夕鬼見夢於其人曰公貴人
 也我不敢與也抗當舍此遠去自是其妖遂絕聞者駭異焉延
 祐四年郡縣以公充賦有司為湖廣鄉試第一五年會試京師
 及上親策遂為廷試第一被旨賜進士及第授承務
 郎秘書監著作郎奉詔函香禮祠五嶽竣事還朝除
 湖廣行中書省左右司員外郎會蠻得犒發從省官出兵討之
 公乘機制變密運籌畫賞罰明信士樂為用事平以間寢寵甚

渥擢奉訓大夫江南行御史臺監察御史彈劾無所避風來為
 之二新分按所至嚴而不苛人莫不感服除江浙行中書省左
 右司員外郎江浙地大人夥政務叢劇文移填委公處之以間
 暇而事無不治宰執及僚屬多顧焉遷朝列大夫都水庸田副
 使行部至錢塘有司言民居侵入湖面請盡撤之公曰于行者
 曰西湖水利當疏通者在乎九井苟無壅塞何多毀民屋為此
 特小吏欲乘勢為姦利耳有司不敢復言民乃獲奠居于無擾
 鹽官海隄為風濤激蝕而崩田廬亭竈皆淪沒危及於城郭
 朝廷為遣官謀捍禦之公督有司具木石以尤役事晝夜不少
 懈隄成而水患息改荆湖北道宣慰副使到官三月丁尚書公
 憂自江陵扶柩涉江湖抵錢塘遵治命卜地於吳山萬松嶺之
 則以葬焉公居喪悉用古禮廬於墓次三年築亭號永思示終

身無忘也暇閱授同知饒州路總管府事 國朝之制以六

事考郡縣之殿最公下車未幾而六事俱有成效至於整站赤

以通使命革鄉司以正稅籍造浮梁而民免於病涉明法令而

豪強震懾崇教化而禮讓興行可紀者不一而足在官三年以

治最聞公以秩滿將解印綬去士民攀戀不已復為留二年陞

中憲大夫同知衡州路總管府事時有大盜構亂於廣海軍旅

之興所過騷然公給其需求而戢其暴橫皆有法由是軍士無

敢譁而居民得以安於田里郡庠有諸葛孔明祠歲久弗葺主

教事者因而廢之公慨然曰孔明王佐之方立祠依聖人孰謂

不可即命復其祠如故湖湘間多學者公聘名儒設賞格試以

經術辭藝是歲大比上春官者皆前日預選之士 皇上臨

御日以望治益切慎擇守令付以承流宣化之寄公用舉者

大中大夫濟南路總管鈔法帶不行首為立變通之方公松威

之歲早有禱輒應人以為公精忱感孚所致未及三年復以

六事備舉治最俄移疾而歸 廷議謂公才任治劇不宜使

就閑退 詔除嘉議大夫發州路總管未上而疾作遂不起

公生於元貞二年五月十二日卒於至正九年十二月十二日

享年五十有四以十年二月某甲子朔附葬于尚書公墓之左

夫人河東聶氏宋某路提點刑獄光之孫女事舅姑有禮待姻

族有恩年四十有六先公一年卒追封雲中郡夫人有子男一

人曰捏古思公教之甚篤每撫而誨之曰吾忝以倫魁致位三

品蒙國恩厚矣爾能不墜吾家聲吾死之日曠目何憾平捏古

思佩服訓言而刻意於學至正七年中山東鄉試第二名用特

恩補清州儒學正今用公廕為忠顯校尉平江路同知吳江州

事女二人長捏古真未嫁而卒次傑烈真適某人庶子一人曰
捏古烈尚幼惟公早由館閣出入省臺而雅志恬靜廉於進取
歷仕已踰三十年食祿不過二千石今方嚮用而遽不可作惟
奮其年是以其材弗究於用也然竊觀古之君子蘊蓄經綸之
業而不克大施後之人必有起而成其志享其祿位者公則有
子矣捏古思緣斯文之雅故以狀來屬晉銘公神道之碑謹序
而銘之銘曰

大山穹林杞梓出焉名宗貴曹實生俊賢際時熙洽文場游啓
公以儒英克冠多士承明之廷群才所儲瓊琚玉佩拾級而趨
乃贊政機乃持風紀徃臨外服使事有指人僕公歸公來徐徐
緹屏泥軾兩乘倅車晚專名城有民有社導揚德意膏澤在下
膚寸之雲益雨九州上方側席公去不留胡不勅遺俾躋

上壽公才則多用而未究有子承考公歿不亡于節其終國有
章謚在奉常傳在太史惟墓有碑負以龜趾

銀青榮祿大夫大司徒陳公神道碑

泰定二年六月十八日銀青榮祿大夫大司徒陳公憲于京師
阜財坊寓舍權厝于城西之其所公嗣子達甫三歲留娶之蘭
溪故居後二十有六年是為至正十一年達始克返柩卜某月
某日襄大事于蘭溪某鄉某山之原爰以狀授潛俾勒銘神道
之碑按狀公諱萍姓陳氏自周封有虞之後於陳春秋時為楚
併子孫以國為氏散處四方世有名人其居于溫莫詳所始
公曾祖諱景彥晦德弗耀祖諱春侗儻好施喜周人之急刻意
教子期于有成考司馬府君諱自中娶于蘭溪楊氏因以家焉
宋季與伯兄右丞相兼樞密使宜中俱以進士起家德祐元二

丞相當國我 朝代宋之師逼臨安邀丞相出降竟不出而

奉益王廣王南遷及至海上知天命已去乃浮海之占城之暹

而沒府君以大都督府行軍司馬提兵拒守分水關與大軍相

持十餘日食盡援絕軍帥欲降之不從朝服南向再拜而死五

子存者三人皆育於外家楊氏公其仲也

世祖皇帝以丞相不降而去遣使追之不及命物色其子弟在

江南者外氏遂以公兄弟歸于京師公天資穎敏髫髻之年儀

觀語言已如成人

世祖見其骨相虎厚異於常見大奇之公亦念陳氏故宰相家

不可不自樹立刻意於學無所不通以兼善梵學破 旨賜

名肇真加刺思俾事 裕宗皇帝於東宮於是

世祖皇帝方長駕遠馭網羅英豪公因得與居與游而晞日月

之光華觀風雷之迅奮聰明益以開發至於騎射亦精其能

上浮器其材而未及用

成宗皇帝以公 先朝舊臣尤加眷遇日侍左右與聞謀議

自 國家統一 丞夏惟土蕃最為西方強國諸戎咸畏憚之

昔唐人與之通婚結好而日尋干戈未始休息今雖臣附已久

而竊發不時朝廷視為重地建宣政院以統治焉會邊人告警

上欲命將出師而難其人詢於在廷無以易公特拜榮祿大夫

宣政使佩三珠虎符領土蕃宣慰使以討之 陛辭之日賜以銀

印金劍使得便宜從事公受和 累朝每思以奇偉非常之功

自見慷慨激烈勇往直前士氣百倍戈矛所指氛祲肅清藏其

渠魁數十人盡定多含思衆思加康撒兒之地凱還召對賜上

樽襲衣獎諭甚至

武宗皇帝臨御之始以公習於西事命持

詔撫寧邊陲初

入亂境有數千騎整衆而來公猝與之遇亟命從騎解鞍列坐
環以重車如城郭左右指揮外未閑暇敵疑有伏懼莫敢前有
以所戴白帽揭於竿首者公引弓一發中之遂驚駭遁去由是
諸部服公威名聞公至皆膽落不敢言叛矣入朝以功拜大司
徒進階銀青榮祿大夫以宣政使兼會福院使延慶司使土蕃
宣慰使如故仍推恩于三代曾祖贈中奉大夫秘書卿護軍臣
封永嘉郡公謚安惠祖贈資德大夫集賢學士上護軍追封永
嘉郡公謚恭僖曾祖妣王氏妣楊氏並追封永嘉郡夫人考司
馬府君贈銀青榮祿大夫大司徒上柱國追封溫國公謚康順
母楊氏封溫國太夫人公入則侍燕閑出則陪扈從妙選時髦

開府設屬門生故吏多致通顯寵錫榮耀震于一時或以公驟
貴而忌之譖於上曰亡國宰相之子孫不宜寘之禁近上
若曰其父執節而死為彼忠臣其子豈不能忠於我乎夫官爵
以待豪傑之士非爾所知也

仁宗皇帝以重熙累洽之餘右文興治元儒大老森列乎臺閣
公翱翔其間推賢讓能多所薦引因事論說明諒不阿莫不歎
服焉

英宗皇帝奮乾剛以御群下大臣動遭譴責公每從容諷諫
天顏為霽威嚴所全護甚眾初臨安既下干戈之際公與大夫
人相失莫知其所在尋訪不獲為之不御酒肉者二十年孺慕
之思久而彌切或傳在順州某氏之家公奉金幣及名馬以請
而弗能得聞于朝為降旨賜泉幣萬緡白金十鎰

皇太后及諸王大臣織文錦綺之屬又不下萬匹公舉以遺之
 遂迎侍以歸一時文人咸為賦詩頌美其事朝野榮之太夫人
 日思鄉里公之兄芹女兄婢適至自南方婢孝思尤篤自與母
 相失斷髮誓不嫁然指為香十指僅存其四至是與芹奉安輿
 還蘭溪服勤孝養克盡子道太夫人康寧壽考享年七十有三
 而終延祐五年三月也公聞訃南奔 朝廷賻泉幣萬緡給
 驛馬四十四遺近臣諭 旨於行省牽執及部使者護其葬
 別勅詞臣為製碑銘未幾 上遣使賜七寶束帶一金織
 文段十泉幣五千緡起公於家公還朝久之俄感末疾宣醫診
 視相望於道屢乞歸皆不允疾增劇始得請出為行宣政院使
 未行而遽不起享年五十有七訃聞朝論深痛惜為娶某氏封
 某夫人子男一人即達工於書

今上皇帝當命題欽安殿榜及渾天儀躔度集歷代郊祀禮甚
 被嘉獎當奉 旨禮祠寶陀跋事而歸錫賚尤渥人謂陳氏

有子矣公兄芹弟葭皆前卒芹以子愛穆柯貴贈中順大夫同
 僉通政院事愛穆柯受知 今上日見親近與達雅相敦睦

家庭之間動中禮法陳氏之世澤未艾也康順之忠義死節固
 享有其報非公能濟其美亦何以致是哉銘曰

顯允陳公克生相門際今 聖代四海一君奉身來歸年甫
 鬪貫服勤帷幄出入無間不亟于進譽望日隆蘊其宏略以時

奮庸西人弗靖事聞 當宁峻陟使名統臨蕃部銀章寶劍
 假以便宜盡護諸將徃宣 皇威賈勇長驅士樂用命克渠

既珍邊地悉定凱還論功委任益專存將使指來旬來宣視除
 如夷出奇制變折其茲萌莫敢復叛上公之貴兼總毅官公材

則多靡憚其煩入居

帝旁從容獻替人不得聞陰被其賜公起疏遠人或諧之敵自

上衷用公不疑公逝不留公則有子追遠不忘遷神故里某山

之原有封若堂祥慶所鍾後其彌昌公位一品名在史策寫以

聲詩刻此山石

特進上卿玄教大宗師元成文正中和翊運大真人總攝

江淮荆襄等處道教事知集賢院道教事夏公神道碑

玄教第三代大宗師夏公既順化歸真而還神于故山其大弟

子張公德隆嚴掌教事以狀授潛曰先師之道行德業當援故

實請命于朝而勒文豐碑惟是體魄之所安不可無以表

于封樹敢屬於吾子潛固辭弗獲則按狀所述序而銘之序曰

公諱文泳字明適別號默清世居信州貴溪縣之唐甸曾大父

諱如愚大父諱英大皆業儒而不仕父諱希賢宋末舉進士未

第而德祐失國入皇朝特授昭文館大學士中奉大夫母

楊氏封江夏郡夫人兄弟四人長文次文深次文濟公最幼

生而開爽英發卅歲就學讀書日記數千言不喜徇世俗紛華

之習一日憑高四望忽若有省慨然起求仙之興年十六學道

於龍虎山之崇真院初開府儀同三司上卿張公入覲

世祖皇帝肇立玄教命為大宗師建崇真萬壽宮以居之公素

清慎博雅為開府公所賞識大德四年始至京師與大宗師持

進上卿吳公同侍開府公左右日相切磨而學益以進八年開

府公以上命遣公撫視諸道汎於大江之南比還制授

元道文德中和法師崇真萬壽宮提點至大四年

仁宗皇帝在儲宮聞公賢有道而其法又多靈驗迺召見命獨

任水宮承應法師有司歲給車馬扈從往來兩京出入禁衛無間奏對率皆稱旨甚敬禮焉

仁宗正位宸極皇慶元年首降制特授元成文正中和真

人江淮荆襄等處道教都提點賜以銀印視秩二品天語

褒嘉恩意隆厚非常典也延祐元年公父遂拜昭文之命兄文

亦特授某階中政院判官五年奉旨代祀龍虎三第

閣皂三山竣事悉以祭供金繒分施各官觀秋毫無所私上清

宮靈星門歲以腐壞抽已橐伐石於太湖而更新之內翰歐陽

公為之記既又度地築宮於龍虎山此一里得請於上賜

額元成魏國趙文敏公為家其廟榜曰勅賜元成之宮云

七年開府公示將解化以教事付吳公而命公繼之至治三年

晉王入踐大位所居便殿每至中夜庭戶輒有聲兩宮為之不

寧近臣拾得驪國公等傳旨俾公以符水獲瀝之昇夕肅

然翌日適當元旦即命設醮於崇真萬壽宮仍出璽書賜元成宮為大護持

今上皇帝以公累朝宿德寵待尤渥元統二年親灑宸翰

作元成宮三大字以賜焉至正六年吳公乘化而終以開府公

治命屬公嗣領教事中書集賢同奉旨授特進上卿玄教

大宗師元成文正中和翊運真人總攝江淮荆襄等處道教

知集賢院道教事璽書護持佩以先朝所賜開府公王印

寶劍他恩數皆如舊制公既登教席一意精白以佐清靜無為

之治綜理庶務悉遵前人或規眾咸安之九年春俄感微恙飲

食起居不異常時祝贊禱祠之事未嘗倦廢二月十四日乙亥

呼弟子畢集于前語之曰吾留京師五十年早荷聖朝眷

遇之隆晚膺宗教承嗣之重未知所以報稱今大期已至當與
汝曹永訣其尚勉旃遂語張公德隆曰宗門教位四傳至汝吾
可無身後之慮矣十七日戊寅晨起盥手焚香整衣端坐備然
而逝世壽七十有三卜以十年某月某日奉遺詔定于貴溪某
山之某仙壇弟子薛廷鳳上官與齡薛起東詹處敬于省典王
景平蔡仲哲彭克固蔡允中董載靜丁迪吉董宇定王用亨
徐守勤彭一寧劉若冲等若干人居元成宮者張從聖倪善成
等若干人公性介潔不妄取與自奉殊簡薄名宴休之室曰素
朴齋以見其志三教九流之書無所不讀而深明於儒先理學
之旨又嘗受河圖於隱者有肯人未覩之秘而於皇極經世之
說亦瞭然胸臆間所至名山洞府必窮探極討以廣見聞道法
齋科悉加考訂折衷下至醫藥卜筮莫不精究其術一時賢士

大夫館閣名流皆與為方外交公風標俊偉談辯絕人其語國
家之因華廢置古今之成敗得失與中原故老之遺言逸事靡
靡如指諸掌或有可疑必就問焉蓋狀之可見者如此其陰功
密行固有非人所及知者矣潛之生也與公歲月同而忝先一
日頽獨後死衰朽荒落何能發揚萬一乎汗顏執筆存其梗槩
云爾銘曰

顯顯開府

世皇外臣佩玉瓊琚其從如雲矯矯夏公盤桓丘壑以時而至
祥麟一角遐觀道妙默贊化機右我仁廟格于宮祇民躋
壽域物不疵癘飛颺走霆直其餘事澳揚制策竣陟仙班

出陪巡幸入侍燕閒歷事

累朝逮

今天子人惟求舊游加優禮歸然鄉山神明別都昭回衣被百

靈森扶傳次所歸

天子有詔昇以文階冠于師號貴先九列祭亞三司時有久速

帝所

道無成虧嗟世涸濁超然高舉金支翠旗上昇
之墟巍巍仙壇真游憩止孔位且安承之有人永世無斃祇薦
石章用表玄宅

金華黃先生文集卷第二十七

金華黃先生文集卷第二十八

續彙二十五

碑

敕賜康里氏先塋碑

康里氏三葉疏五封者六人踐相位者四人咸有石章以紀勲
德而其塋域在京城和義門之外者願未有以表于封樹至正
八年冬十一月十有二日

皇帝御明仁殿中書宰臣用今

大司農達世貼睦遜之請以聞詔臣某為之銘以達世貼睦遜
素善書有旨就命書丹別敕中書政事議中書省事姚庸蒙其
額以賜馬臣潛忝以非才待罪太史氏職在論撰不敢控辭康
里古高車國也我

太祖皇帝親征而畧其地其國之近屬有二孤子曰曲律曰牙
牙其母古麻里氏賢而有識以二子真褚中負以橐馳而來朝

則

太祖已賓天乃以二子獻于

太宗曰此吾國之遺滑也不可為人所得而辱於奴隸敢以來歸

幸他日為天子使 上憐而撫育之暨

憲宗御極二子既長名入宿衛領昔寶赤遂扈從伐宋母迴康

里而復來值

憲宗陟方諸將皆北還二子獨後禱于神祠昔有稱好者再問

而知為吉兆比至家則二子亦至矣

世祖皇帝入正大統時其勞績給以土田人戶俾居興和天城

之大羅鎮毋後以牙牙子貴追封雲中郡夫人牙牙贈宣忠翊

德開治功臣開府儀同三司上柱國追封雲中王諡 配忽

都台氏封邢國夫人繼桓答氏封康國太夫人丞相順寧忠烈

王阿沙不花丞相和寧忠獻王亦納脫皆雲中 王之子

丞相冀寧文忠王鐵木兒達識則和序忠獻王之子也順寧忠

烈王年十四入侍

世祖以占對詳明特見親幸令門者勿納以試之遂由水竇而

入 上嘉其志乃命聽其出入無禁嘗早朝露未晞洗行而

前 上望見尤歎異焉使掌門衛以察非常久之以西手干

戶領昔寶赤從

成宗北征與海都戰數有功入為大金正府也可札魯忽赤浙

西豪民朱清張瑄以海運取顯官有罪抵死王奉 旨簿錄

其家一無所私詔賜主宅一區鈔萬五千緡命兼兩兵馬指揮

司達魯花赤姦執不作輦下肅清 西白金日而 上命以金

武宗即 皇帝位拜中書平章政事軍國大事並聽裁決尋

加特進太尉依前平章政事有盜內府金者王退朝適與之遇訝其倉惶失措詰之果得黃金五十兩白金百兩上命以金賜王而誅盜王辭曰盜誠當誅金非臣所宜得請入全贖盜罪上為貸其死有旨出內府鈔十五萬緡賞蹴鞠者王力持不可訖弗予一日入侍於五花殿觀上玉色而進薄滋味寡嗜欲之戒上嘉其忠忱命進酒王曰陛下既納臣言而復以酒進是臣言不足取信也上為罷酒進中書右丞相御史大夫尋復為平章政事加錄軍國重事兼廣武康里衛觀軍都指揮使封康國公遷知樞密院事堯高年四十有七贈純誠一德正憲保大功臣太師開府儀同三司上柱國中書右丞相追封順寧王謚忠烈配達海的斤氏追封順寧王夫人索羅真氏別哥倫氏並封順寧王太夫人和寧中忠獻王少從其

况幹禿蠻獵於燕南幹禿蠻使獻所獲

世祖皇帝見其骨氣沈雄步履莊重即命入宿衛暨

武宗撫軍朔方王在行間與諸將大敗海都軍于杭海手斬一

士之首連背胛以獻

武宗壯之兵之始交也

武宗銳欲策馬出戰王執其轡力諫上怒揮鞭扶其手不

退上不得已而後止與諸將覲見答哈語及之朶兒答哈

曰太子在軍中如身有首如衣有領脫有不虞眾安所附脫脫

之進諫可謂忠矣上深然之

成宗大漸丞相哈刺哈孫答刺罕稱疾臥直廬中王適以使事

至京師乃俾馳告

武宗以國恤且勸進安西王乘間入朝窺伺神器既而

仁宗奉 太母至自懷孟忠烈謀知姦黨謀偽賀千秋節而舉事亟白于

仁宗先二日而發內難悲乎 太母詢所宜立於陰陽家遣王還察事機時

武宗聞 太母以

武宗遲迴不至已命忠烈往道宗室諸王貴戚元勳推戴之誠忠烈至野馬川 上見之甚喜行次旺古察而王繼至趣使

疾驅與之共載聞王致

太母及

仁宗之語乃大感悟釋然無疑暨忠烈還報

仁宗即日命駕奉迎于上都

武宗皇帝正位宸極尊

太母為皇太后立

仁宗為皇太子三宮協和而無間言王兄弟之力也先是

武宗嘗命王同知樞密院問曾視事否王對曰今正殿未御宗

親未見德音未下而扈從之臣撓取名位失四方之觀瞻寧不

上累 聖德是以未敢祇事 上嘉歎不已知樞密院只

見哈忽侍 上於潛邸嘗有不遜語將寘于法王諫曰

陛下新即位大信未立而輒行誅戮知者以為彼自有罪不知

者以為報仇恐人人自危况只兒哈忽習於先朝故典今固不

可少也 上乃宥之上京大宴故事命一近臣敷宣王度以

為告戒王薦只兒哈忽令具其言以進果稱旨 上歎曰博

爾术博尔忽前朝人傑脫脫乃今世人傑也即以所進之言授

王及諸王大臣被宴服就列王即席陳西北諸藩始離終合之

由去逆效順之義聽者莫不傾服王自同知樞密院事中書乎

章政事拜御史大夫遷南臺御史大夫召拜錄軍國重事中書
左丞相知無不言言無不行人以賢相稱之尚書省立以王為
右丞相王辭曰爵賞者帝王所以用人也今爵及比德賞及因
功緩急之際何所倚賴乎中書所掌錢糧工役選法刑獄十有
二事若後臣言恪遵舊制則臣願與諸賢罷勉從事不然用臣
何補 上乃為下令俾濫受宣勅者赴所屬繳納僥倖之路
既塞奔競之風頡頏中臺有賊罰鈔五百石緡王請出以賑孤
寡老疾諸窮而無告者莫不舉手加額宗王南忽里部人告其
謀為不軌王辨其誣抵告者罪宗王牙忽禿徵其舊民於齊王
八不沙部中鄰境諸王欲奉齊王攻牙忽禿齊王懼奔牙忽禿
以避之遂告齊王反王簿問得實釋齊王徙諸王于嶺南邊將
脫火赤請以新軍益宗王丑漢廷議俾王往給其資裝王言時

方寧謐不宜挑變生事辭不行遂遣丞相禿忽魯平章政事也
先帖不兒往給之事幾以激變尋復為中書左丞相

仁宗春之彌篤欲使均役于外拜江浙行中書省左丞相下車
伊始進父老同以利病咸謂杭城故有便河達于江潞湮廢而
以若䟽鑿以通舟楫物價必平僚佐或難之王曰吾陛辭之日
密旨許以便宜行事民以為便行之可也俄有 旨禁勿興

土功王曰敬天莫先勤民民蒙其利則安洽自弭土功何尤不
一月而訖工人至今便之至以疑似召赴闕杭民數萬號慟遮
道不得前既至賴

仁宗察其無他厚賜而遣之還鎮王至杭未幾遷江西行中書
省左丞相

英宗嗣位召拜御史大夫帖赤陰忌之奉改南臺御史大夫復

族言者劾其擅離賊守將徒之雲南會帖赤伏誅乃解王家居
 不出者五年泰定四年二月二日薨享年五十有六王階至開
 府儀同三司勳上柱國爵為馮國公兼官為集賢使仁虞使中
 都留守司達魯花赤開寧路總管府達魯花赤領崇福司回回
 司天臺中衛廣武衛親軍都指揮使贈推誠全德守義佐運功
 臣太師中書左丞相階勳皆如故追封和寧王諡忠獻配也先
 氏封馮國夫人

武宗又妻以畏兀氏月魯忽圖

仁獻章聖皇后之同乳也封薊國太夫人翼寧文忠王以大臣

子事

明宗於潛邸宏材雅量好學下士風負公輔之望歷事 累

朝由同知都護府事為工刑兩部侍郎擢監察御史遷秘書

除禮部尚書遂參議中書省事擢西臺侍御史未行留為奎章

閣侍書學士除大都留守遷同知樞密院事 上既總攬權

綱用脫脫為中書右丞相王為右丞以更新庶政科舉之廢也

王在參議府爭之不得訖不署其奏牘至是力為 上言前

代科舉得人之盛遂復行焉金山大雪上遣王及知樞密院眾

家奴齎鈔一十萬緡衣表裏各二萬匹往周給之王被命即行

雖鞭笞無所憚拜中書平章政事每入直 為御宣文閣

詢以治道往往至夜分乃退上親祠南郊王言熙事慶成宜均

惠于下 詔賜民明年田租之半嶺北地寒不宜稼歲飢賑

以鈔無從糴王請轉東倉米百萬石贖和寧由是備先具而民

不告病兩浙閩廣益額累增而課愈虧王請歲減十萬引以紓
 亭戶之力中政近臣謀發蕃舶規取息王言與商賈爭利恐遠

夷得以窺中國事遂已日本海商百餘人遇風漂入高麗表請沒入其人於有司以為奴王以為

天子一視同仁四方皆吾赤子豈可乘人之險以為利宜資其還

上從之日本果上表稱謝無何日本有僧告其國遣入至京師刺探國事王曰刺探者在敵國固有之今六合一家何以刺探為果有其人正可令覩中國之盛歸告其國人使知嚮慕旁觀稱歎曰真天朝宰相之言也拜御史大夫務以靜重持

大體不為苛嫉以立聲威建言近歲大臣獲罪重者族減輕者猶藉其妻孥

祖宗聖訓父子罪不相及請除其法上從之遂著為令飢民集于輦下奏出賦罰鈔糴米萬石即近郊

寺觀為糜以哺之所活不可數計居歲餘復為平章政事進位次於端揆

大駕時逃留鎮大都舊法細民糴於官倉出叩

數月給之者其直斗三百文謂之紅貼米賦籌而給之盡三月止者其直斗五百文謂之穀籩米豪民貪夫得買其籩為利

王請別發米二十萬石遣官坐市肆使人持五十文即得米一升姦弊遂絕民蒙其惠乞解政柄不允拜錄軍國重事中書左

丞相領經筵事王入則告上以帝王之道出則正紀綱脩法度奏立內外通調之制朝臣外補許得陞辭上親臨遣

責以成效郡邑賢能吏而次第甄拔分海漕米四十萬石置公河諸倉以備凶荒先是朝廷患僧徒擁厚貲事兼抑使

與齊民均受役于官柄國者右之法遂中變王奏復其舊延登

故老俾頂大議旁求遺逸待以不次之擢加孔子後嗣嚴者秩二品歲一再詣國庠進諸生而獎勵之使士咸知勸王天性忠直學術正大割裁庶務片言立決重輕予奪各適其宜上

嘗問為治何先王對莫曰先於法 祖宗上因稱王文統為
奇才而有不同時之歎王前奏曰

世祖皇帝行仁義而文統輔以功利此所以為

世祖之罪人也使文統復生於今猶當遠之何足關 聖念

乎盖手於書無不讀尤喜聞儒先性理之說而明於義之辨相

業之隆實基於此從幸上京還入政事堂甫一日累得危疾

上命近臣挾名醫狎至疾已不可為以至正七年九月十八日

薨享年四十有六葬以其月二十六日 上命有司護其葬

仍給賻鈔二十五萬緡 兩宮皇后及太子致賻有差階至

開府儀同三司勳至上柱國兼官為昔寶赤右手左阿速親軍

宣忠幹羅思親軍都指揮使司達魯花赤提調留守司武衛太

醫院廣惠司寧徽寺事贈開誠濟美同德翊衛功臣太師中書

右丞相階勳皆如故追封翼寧王諡文忠 配曲出氏追封翼寧
王夫人執政大臣言相位不可以虛 上曰鐵木兒達識有

兼人之才後難為繼朕當徐思之金山礼尼別使者入見

上頌謂知樞密院阿吉刺曰鐵水兒達識籌邊事皆與朕意合

斯人豈可復得哉因俛首太息不已按康里氏世譜雲中王之

配邢國夫人生四子曰李別舍兒曰和者吉贈推忠宣力保德

佐運秉義功臣太保開府儀同三司上柱國追封榮王諡忠武

曰不別遙授甘肅省右丞曰幹虎鑾繼康國太夫人生二子一

女二子則忠烈忠獻兩王也忠烈子男二長海亦兒順寧府達

魯花赤次伯嘉納前尹京時平反海商被誣為盜者所活一百

十六人累遷中政院使女一也里八思密達失上都兵馬都指
揮使亦思馬因封雲中郡君孫男一託和直女二忠獻子男九

長霸都仁虞都總管府達魯花赤贈禮部尚書次即異寧文忠
 三次玉樞虎兒吐華同知樞密院事次達世貼睦通當以平章
 政事行省首行視忠獻所浚杭城便河而除治之父老多忠獻
 之遺民無不感泣入為大司農拜銀青榮祿大夫湖廣等處行
 中書省平章政事次哈答不花次阿魯輝帖木兒皆早卒次脫
 烈太府太監次哈達帖木兒大都副留守次汪家閭同僉資政
 院事女八長哈達忽都魯通衛王閏博次帖木倫適侍禮郎不
 花次亦老寒適集賢大學士兼內史豐國公怯烈該次伯忽都
 魯適大宗正府也可札魯忽赤卓思丹朶兒只次乞刺沈挫適
 諸王蠻子次脫脫倫適中書刑部侍郎保保脫脫倫卒次保僧
 繼之次不魯罕忽里早卒蓋忠獻九子惟文忠及湖廣行省平
 章政事薊國太夫人出也孫男十女七文忠之男二長拔都兒

嚴領昔寶赤次天保奴女三長別的斤適中政院判官三閭次
 完者提斤適衛王子吉刺失八次的斤玉樞虎兒吐華之男一
 細鄰女 達世貼睦通之男一瓦咱刺失理女一拾童脫烈之
 男二長壽安次某哈達帖木兒之男二長萬次某女 汪家閭
 之男一博羅帖木兒曾孫男 女 拔都兒之男二長禿魯仁
 虞都總管府達魯花赤次完者帖木兒海口屯諸侍衛親軍都
 指揮使始忠獻嘗建書院于順寧宣平官家庄之別墅賜額景
 賢後即其中為忠獻文忠兩祠堂春秋有事於先聖先師則侑
 食焉忠烈忠獻兩王異母之子孫惟榮忠武王之子燕不憐燕
 八思提別不花伯撒里為最顯燕不憐卒官遼陽行省平章政
 事太保興國公贈推誠效節佐運翊亮功臣大師開府儀同三
 司上柱國追封興寧王謚忠襄燕八思提大司農別不花嶺北

行省平章政事伯撒里由御史大夫累遷江浙行省左丞相餘皆至大官莫得而殫紀也臣潛欽惟

太祖皇帝肇基朔漠

世祖皇帝統一方夏溥天率土共惟帝臣傑出其間而膺

國家之重任者固非一族有若康里氏之先老母弱子不絕如

綫祖宗所以長育成就之以詒燕于後人者大實佑之豈

偶然哉一門三相豐功茂烈未易以筆舌擬諸形容今獨取其

關於祖宗之安危民生之休戚者序次而顯詩之乃若今

大司農之尊君親上好賢樂善發其素蘊紹休前人珪傳祖嚴

方興未艾屢書不一書是在後之秉史筆者銘曰

山川出雲膚才之微繇繇瓜瓞天寶培之猗康里氏家有賢母

保其遺孤克開厥後有相之道俾熾而昌蟬聯奕葉四相六王

相業之傳由忠烈始惟王忠獻厥績愈偉被堅執銳出從撫軍

佩玉瓊琚入侍嚴衣填堦伯仲股肱左右奔走後先獻替可否

陽九之厄國有危疑民心靡止孰為龜筮桓桓忠烈乃心帝室

明炳幾先不俟終日繼以忠獻載馳載馳風騰雲躍夾日以飛

大憝廓清德音布獲九廟尊安三宮悅豫

天子有命忠獻是膺乃位該輔以秉國成百度惟貞六服承德

寧有一夫不被其澤

帝曠南服爰資保種克勤小物靡有遐遺乘其忠貞夷險一節

高朗令終休有餘烈積慶儲祉畀于文忠世濟其美乘時奮庸

紬書金匱談經瓊廈克辨其君貴王賤霸咨詢故老延登逸民

量能授任內外惟均懷柔遠人務全國體威行惠孚無間遠邇

垂紳正笏泰山四維天胡弗慙當寧興思大事之書厥有

顯冊史臣奉

詔表此幽安

翰林學士承旨致仕脫脫公先塋碑

國朝之制官登七品始推恩於二親位極一品乃追榮于三代
觀夫世教之遠遜品級之崇卑則前人積累之功有可得而徵
者矣傳所謂德厚者其流光德薄者其流卑詎不信哉重紀至
元之五年某月有制翰林學士承旨脫脫魯祖默而吉台
贈中奉大夫江浙等處行中書省叅知政事護軍追封范陽郡
公曾祖母哈敦追封范陽郡夫人祖吾都兒贈資善大夫江西
等處行中書省右丞上護軍追封范陽郡公祖母夾谷氏追封
范陽郡夫人父故任忠顯校尉平江路吳縣達魯花赤帖古迭
兒贈榮祿大夫河南江北等處行中書省平章政事柱國追封
異國公母孛羅以氏臧氏俱追封異國夫人煌煌命書下飾泉

壤而碑石未建

君賜弗彰至正十年夏四月

天子坐興聖殿便殿翰林學士承旨臣哈刺八都兒臣拜拜
以為言得旨命翰林侍講學士臣潛為之銘宣徽使臣三

旦八書其文集賢侍講學士臣期順篆其額俾刻焉臣謹按脫
脫公系出蒙古默而吉台氏世居范陽金季中原倣擾先世兩
郡公皆晦迹弗耀而能以善及人有陰被其惠而不自知者垂
休委社建於異國仕皇朝歷昌平寧陵穰吳四縣達魯花
赤官轍所屆政譽肅然而未足以展其素蘊已試之效特泰山
之毫芒耳是以脫脫公起而承之由某縣達魯花赤為大都路
兵馬都指揮使擢大宗正府郎中出為江西等處行中書省左
右司郎中累遷潭州路達魯花赤邵武路總管召拜吏部尚書
尋由治書侍御史升侍御史進御史中丞領侍儀司事出為陝

西諸道行御史臺御史大夫召拜翰林學士承旨知制誥兼脩國史奎章閣學士院大學士其在中臺則入侍經筵其在翰苑則總裁三史傳燕見之際禮遇甚優至正元年告老祈閑遂以翰林學士承旨致仕
上每念之不置特拜平章政事議樞密院事提調屯田事九年以疾固辭乃復以翰林學士承旨致仕仍舊階榮祿大夫而食其祿娶達爾氏繼李氏俱封異國夫人子男一人安僧早世女一人宣徽使三旦八即其婿也孫男一人張保某官女一人適憲使泰不花之子阿納實理其范陽縣某鄉某原三世大墓所在也蓋木有本水必有源本深則末茂源長則流遠善慶所鍾萬生顯人為時名卿為國元老豈非蓄也及而發也不亟故其所成就略融烜赫自有不可掩者歟記曰顯揚先祖所以崇孝也身比焉順也釋之者以為

身比焉謂自著名於下也庸敢竊取斯義脩述脫脫公歷官之詳使後人知天寵之所加其來有自銘曰
實之大者其聲必宏發也有時乃震以轟倚兩郡公生于季世藏鋒斂鏘百不一試有偉真國逢時之昌志局于位所施未光萬生龐碩以材自奮鴻漸于陸循循而進踐敷中外駿望日彰乃秉銓衡乃持憲綱乃長詞林乃專史局設經壇履從容啓渥有命自天賁手幽墟時之既至匪亟匪徐史臣奉詔推原本始播諸頌歌揚耀并祀

答祿乃蠻氏先塋碑

異時乃蠻在諸部中最為盛強有別號答祿者子孫因以為氏是為答祿乃蠻其先曰曲出祿者乃蠻部主太陽可汗之弟也有子三人伯仲皆逸其名季曰敬溫我

太祖皇帝受命龍興曲出祿亡其所部敵温奔契丹契丹以女
妻之是為太夫人耶律氏以歲乙丑生隨穎等處征鎮萬戶抄
思公此俗以草青紀歲故莫詳其月日契丹滅而敵温亦卒公
年甫十有二耶律夫人與乳母徒出負之以避難晝伏宵行備
彈其勞道遇河水乳母先下探其淺深及肩而返俄有敗車之
板自上流泛泛而來乃取而坐公于上乳母引其前耶律夫人
擁其後以濟遂來歸于

太祖三皇后得旨留侍左右

太宗時公年二十有五始出從軍

睿宗以皇弟帥師破代石二州公先登有功及鴈門之戰與金
人相拒於河上公為前鋒涉河馬陷失利以靴大拔足而出倉
黃跣走幾為所獲翌日整兵復戰大敗之乃下令軍中皆改製

大靴不如令者必繩以法公每出戰以長槍一主擊刺短槍一
代盾捍矢短兵接則手舞二劍奮擊而前所向風靡歲壬辰從
睿宗大破金兵於鈞州三峯山盡殲其眾金人自是不復能軍
睿宗表其功于

太宗賜以湯陰縣黃招撫等一百二十七戶公曰民無罪也力辭
不受乃更賜以它有罪者魏使臣等三人及其妻孥五十餘口
大名城中宅一區黃金飾具帶酒壺盃盂各一仍命世領湯陰
之戶收其差稅以供上用有旨遣忽都虎留乞與公

三人並以奉御為萬戶發西京大名真定河間等諸州郡軍四
千六十餘人占籍征行每千人領以官一員及鎮守隨州招集
人戶仍以忽都虎兼本州達魯花赤又以保定府行唐縣邱琮
充總押副之丁酉七月也後移鎮穎州進攻安豐城將拔以疾

歸大名戊申正月十八日卒于賜第之正寢年四十有四夫人張氏康里氏張夫人代州石門良家子年十五避兵與父母相失公得之以進于 三皇后賜名安壇察其秀慧遂以妻公且諭之曰此女必能成汝家也無子有庶子教化的為已子早卒教化的生拜的迷生亦卒而康里夫人以己丑春正月六日生台州路達魯花赤別的因公自檢祿時留 三皇后所張夫人歎曰吾夫有功於國而吾無子誰當繼其職者幸別的因在道里雖遠吾何憚焉乃具金帛戒車馬身自往迎之六年之間凡三往返且因近侍以請乃得 旨而携公以歸於是康里夫人卒已久張夫人每訓公曰人有三成人知畏懼成人知羞耻成人知艱難成人否則禽獸而已公之深自飭厲至于有立者張夫人之教也張夫人生於乙亥八月二十八日以至元

二十一年十一月十一日卒年七十先是

憲宗在御

世祖居潛邸甲寅自黑水承

制諭察罕於開州命公襲父

職遂以公為副萬戶與留乞等征鎮隨額等處丙辰冬又自字

魯哈觀諭征鎮諸軍稟受公等號令戊午春諸王塔察兒自亦

運納諭公等守邊勿慢軍機公遵守惟謹士伍肅然中統元年

世祖即皇帝位有旨諭留乞忙古解兩萬戶及所統千戶百戶

悉聽公言讖約束至是委任益專四年春河南統軍司召留乞

與公赴行在忙古解留額州十一月公入朝公身長七尺六寸

美鬚髯肩豐多力善舞刀尤精騎射軍士咸長服之

世祖密勅相士潛出于後捫其脅公為不動 上亟稱之曰

壯士問相士何如對曰其人大脅非極貴之相 上愕然即

日降金符命為壽頤二州屯田府達魯花赤與總管李繼昌同議公事累遷陳州唐州信陽府達魯花赤皆佩金符樂陳州土俗之美因家焉遷常德路總管府副達魯花赤歷沔陽安豐兩府達魯花赤升池州台州兩路總管府達魯花赤兼管內勸農事官自武畧將軍五轉至昭勇大將軍公在壽頤屯田府二州土地多荒有虎夜食民妻民訴于公公為立檻設機縛殺置其中以致虎羔思乳鳴不絕聲夜半虎果至機發而虎在檻射之矢再發皆中左右繼至虎已斃詰曰總管李繼昌聞之乃舉酒為公壽居民大悅自是二州無虎患信陽山中亦多虎公至未幾將出獵左右以多虎諫公不聽比出以鞍轡置于鞍上左右問故公笑曰吾有以也遂令樞山虎果出直前搏公馬公以襠撻虎虎搏襠擡地而吼人馬皆辟易失措公神色不變旋馬

傍虎射之中其脅虎立斃左右環視良久曳歸剖而視之矢正貫其心咸以為神射公在常德新附人李明秀同知府事見公第三子燕真不花貌魁梧善騎射有父風請妻以其女公謬許之既而明秀以公事行境內且將歸視其家邀燕真不花俱行公密語之曰南人新附未可時也緩急當自為計明秀至家召親戚故舊酣宴燕真不花察其有反謀而不敢言至暮罷酒明秀出二紅巾一以與燕真不花一以與其奴二人陽受之而退夜二鼓俟其眾皆就睡燕真不花謂其奴曰可以去矣乃共取鞍馬弓矢竊其關而遁四鼓後退者至燕真不花與其奴疾馳各彎弓後向而不發退者稍却黎明至府白其事發兵討之不下公請自往招之明秀見公單騎來不設備公誘以自新明秀素服公之誠遂與公俱來公以聞于朝而誅之餘黨悉平

公之官池州也道之穎上穎近荆山野豕時出害稼民間公至
 迎候以告公曰吾嘗射虎未嘗射豕也姑試射之眾隨公行十
 餘里見豕在田鳴鏡逐之驚出公橫馬射之豕被創怒奔八九
 里乃斃眾共分其肉凡三百餘斤以百斤為獻公不取燕真不
 花任侍傍公令度曲歌其事大德某年公始至台州未久遽以
 老疾辭歸安豐至大二年六月十日卒年八十一公之至孝出
 於天性蓋北俗喪禮極簡無哀麻哭踊之節葬則剝木為棺不
 封不樹飲酒食肉無所禁見新月即釋服迨公居張夫人之喪
 始悉用中國禮踰年乃從吉公平生節儉務本俸祿給衣食之
 餘盡以買田園馬牛農具大石安豐陳穎之田幾二萬畝家僮
 幾二百人歸休之日輒課其耕作子孫賴焉夫人梁氏大名貴
 族自為處子時好誦釋氏書老益康健五步之外明見地上遺

針生於丁酉二月二日以天曆二年十月十日卒年九十有四
 梁夫人生子男四人長不花奉訓大夫僉嶺南廣西道肅政廉
 訪司事居官廉介而寬簡人罕見其喜怒前公卒次曩加解一
 名文圭薦學而尚志卒贈承事郎秘書監著作佐郎次即燕真
 不花亦前卒次延壽彰德等處長官司達魯花赤已卒女三人
 長適中奉大夫浙東道安慰使阿哈八失次適輝州達魯花赤
 荅失蠻次適芍陂屯田萬戶鐵哥庶子男一人撥落解女一人
 皆居幼而早卒孫男七人長阿馬赤彰德等處長官司達魯花
 赤次脫脫興濟縣達魯花赤已卒次豬狗赤卒次孛蘭溪用公
 廕為寧國路宣城縣達魯花赤次守恭天曆三年進士今曹州
 判官次守禮奉定四年進士今武州達魯花赤次完招准東道
 宣慰使司奏差女八人長早卒次適真州判官張行簡次適武

卿縣主簿閔安達兒次三人皆適名族次適集賢侍講學士中
奉大夫兼國子祭酒前進士趙期頤次適唐元康堃仙曾孫男
若干人長既因襄陽縣主簿次大你赤次與權至正二年進士
今秘書監管勾餘尚幼女若干人玄孫男若干人女若干人初
耶律夫人及抄思公張夫人俱葬大名而別的因公以其卒之
年九月三日葬汴梁扶溝縣郭西南之阜原梁夫人之卒也亭
蘭溪既奉柩權厝于扶溝先墓之次遂謀於族人曰先世葬大
名者八十三年矣其葬不如禮柩何咸曰曷遷於此乎亭蘭溪
以為然乃自大名奉遷三喪以天曆三年四月二十八日改葬
于扶溝與別的因公同北域梁夫人附焉其易服而歛也見抄
思公之骨極失左臂自肩達于指節連錯瑩白如玉下棺之際
有大風捲沙自北來壙而散亦異矣亭蘭溪將樹碑以表于

墓隧已磐石而未及刻後二十年乃使其子與權奉趙集賢之
狀屬潛以銘狀稱乃鑿之破滅也其本支幾無類矣耶律夫人
瑩瑩然挈孤子歷艱險終以全其後可悲也已隨穎府君奮身
戎行披冒鋒鏑鴈門三峯功伐特盛方將大其門而壽齡弗永
惜哉台州府君招降叛逆如呼小兒馳射猛獸以除民害何其
雄偉也官止於郡而不大顯相士之言信矣向微張夫人之
力何以自致於此乎父子之智勇兼人克有勲業婦姑之貞烈
尚義卒昌其家可無傳於後耶潛竊觀司馬子長所記多奇節
偉行非常可喜之功惟夫雄文善壯其說是以後之覽者為之
激烈慕歎而不已集賢峇祿氏子婿故述其家世為詳至所謂
奇偉非常可喜之事筆力之宏肆蔚贍亦足以稱之非潛所能
加損也謹備若之以為序而為銘以系焉銘曰

草昧之初群雄並馳既興而仆孰扶孰持荷答祿氏綿綿墜緒將絕而續由兩賢母匪母獨賢惟天佑之保其遺胤際于昌期委質輸忠先登賈勇以敗為勝不難不竦既戡大敵遂長萬夫征行鎮戍靡有定居名城垂拔將星遽隕艱紫傳龜繼述惟謹父則有子君實知臣試以劇務俾職留屯載疇其庸授以民社兵衛畫閑農林于野叛人跳梁呼之來前翦其兇渠餘黨帖然惡獸縱橫殘民害物發無不中若貫蠶蟲時逾三紀七剖剖符久淹外服訖懸其車寓跡申園其樂也獨臂力未行云何不淑積慶所鍾子孫振振接踵儒科易武以文退食委蛇鳴珂曳組視此石章無念爾祖

濟南高氏先塋碑

國朝之制官七品以上咸得賜贈其先所以廣孝而勸忠也觀

夫世數之異等級之殊而其積累之薄厚可得而徵焉恭定元年冬濟南高公以亞中大夫鎮江路總管致仕品第三有司援典故以聞被旨追贈二代信乎其德厚流光者矣按高氏世居棗州無棣縣之辛禮村殁因葬其地蓋其先出於齊公子高以名為氏譜諱隆返系緒莫詳今所居則猶故齊地也公之曾祖考曰滄洲鹽山縣主簿諱輪祖考曰滄洲孔目官諱憲今贈中順大夫同知某路總管府事騎都尉退封渤海郡伯祖妣李氏渤海郡君考曰宣武將軍管軍總領諱璋今贈亞中大夫某路總管輕車都尉退封渤海郡侯妣趙氏王氏並渤海郡夫人由鹽山府君而下三世俱有仕籍而志局于位廢施未尤貽慶垂祉鍾于後人公實承之也公名仁字壽之少以材推擇為吏會天兵南伐署招討司提控案牘歷萬戶府知事辟湖廣行

中書省掾從征安南討兩江群蠻有勞受知丞相順德忠獻王
因携以入 覲既丞相改治江浙行中書省又 奏以為

檢校官尋遷左右司都事時同僚多以酒權益筴之利自汙簿

問其事者以公屬獨清之操更見識拔剡上權中書工部主事

俄復入江浙行中書省為左右司員外郎除江西行中書省理

問官治蒙山銀賦之病民者捕寧都土豪之亡命者興利去害

績用尤著廷議以公踐馭滋久將疇其民庸授吳江州知州下

車未幾訟簡役均田里無事乃大飭三皇孔子廟去之日州人

相與立石以紀遺愛部使者以最聞授嘉興路總管府治中時

列郡方作祠奉帝師凡庀材用召匠傭一出於民力公獨諭浮

屠氏之籍於白雲宗者俾任其役官無一粟之耗民無半餉之

勞而祠事以備部使者復以最聞先是公數奉省檄行勞近郡

以丹陽金壇故有公田虛額請悉蠲之而取他羨田補其入又

以松江東鄉水利久廢田不宜稻請去故所賦米而用上產菽

粟代其輸事皆施行兩郡之人莫不便之年甫七十即乞謝事

不俟報而歸吳門別業居焉至是遂休致之請應追錫之命而

公之妻楊氏贈渤海郡夫人劉氏封渤海郡夫人公虔奉

制書永懷明發展省墓下祭告如禮退自惟念宜有以昭

上恩紀世德乃俾東徵銘潘聞古之為銘者必斟酌先祖之美

而自著其名焉所以示後世法也謹叙次高氏之世家名爵與

之志行官業而銘以繫之銘曰

顯顯高氏齊文之昭代祀則繇葉守其桃不有厚德孰復乎始

蟬聯三葉躋于膺仕胡卒不懼不震以轟儲厥義方嗣人之承

展也嗣人是續是似服勤中外時踰四紀乃濟其美乃揚其名

罔有失墜以荷寵靈煌煌
天書下賁玄宅發其幽潛昭烜赫辛禮之原歸然豐碑琢而
銘諸以代鼎彝百世之下視此遺刻維孝維忠永胤無極

金華黃先生文集卷第二十八

金華黃先生文集卷第二十九

墓碑

宛平王氏先塋碑

臨川危素編次

續彙二十六

番禺劉耳校正

今上至元六年秋八月中順大夫江浙等處財賦都總管王公
得請於 朝疏恩二代爰狀其實來諭於潘曰是宜有述以
章示 上賜庶假寵我子孫於無窮敢屬筆於子潘辭不獲
則序而銘之按王氏上世家遼之蓋州總管公之高祖諱璘知
金將亡與二兄禧祺擁眾歸于我
太祖從

睿宗南攻汴愍二兄之死事感激奮厲誓不與敵俱生摧堅擊
強所向輒克屢以捷聞汴既下計功行賞授虎符管領女直漢
軍都元帥奉二兄柩葬于燕之宛平因為其縣人高祖母曰亦

刺氏曾祖諱德璋襲父職仍為管領女直漢軍都元師曾祖母曰吾古倫氏祖諱塔通文史練尤善譯語事

憲宗為必闍赤而以材學受知

世祖擢禮部侍郎於是 國家龍興垂六十年上方注意稽

古禮文之事所以潤色鴻業者左右欲助與有力焉居歲餘出為真定路與魯總管真定於河北為巨鎮民多占籍軍伍撫馭之甚有恩意人皆德之祖母曰李氏翰里根氏父諱承良好侑而嗜學歷觀古昔廢興失得之故而慨然有志於當世鮮有能深知之者嘗由行工部怯憐口總管府令史補徵政院掾史調將任即冀州等處納綿提舉遷從仕郎崇祥監知事監陞為院以承事郎為其院都事又以承務郎為其院之規運提點母曰李氏魏氏四世皆祔葬宛平先墓之次此其系序官業之可見

者也初總管公由晉王內史府掾陞記室遂入掾中書以文林郎任禮部主事始贈其父應奉翰林文字文林郎同知制誥兼國史院編脩官及公以殊祥院都事遷宣政院經歷轉奉直大夫參議院事乃贈其父奉議大夫樞密院判官驍騎尉太原縣子其後公自太宗正府左右同郎中改授大都兵馬都指揮使又贈其父中順大夫兵部侍郎上騎都尉太原郡侯至是公以中政院判官拜命遂追贈其祖翰林直學士亞中大夫輕車都尉太原郡侯李氏翰里根氏並水原郡夫人加贈其父嘉議大夫禮部尚書上輕車都尉太原郡侯李氏魏氏並宜人累遷至太原郡夫人公妻孫氏亦以從封至太原郡夫人蓋自尚書府君而上四世咸有官序而蘊蓄之素未克大施福祉所儲總管公實承之公名洪字彥弘少受學於鄉先生同門莫不敬服

事幹里根夫人定省之節衣服飲食之供靡所違缺寒夜則捧其足而卧病日則每旦以舌舐之至病愈乃已尚書府君既歿家事悉咨於魏夫人而後行得祿必歸之且舉孫夫人匱具以奉焉先世所遺田廬則盡以畀其子慶不幸慶蚤世喪之喪過哀人尤以為難有餘貲輒分惠其三族貧無所依與不能具吉凶之禮者則贍給之所引拔登仕版者二十餘人其居家孝友如此至於蒞官臨民績用尤著始入內史府來謁選而六七年不得調者三百餘人亟為闡白程其材品較其資歷而補著焉天曆初通州三河路懸之人為東兵所殺掠兵未息而又苦寒公時在宣政院中書傳上旨俾往賑之賴以全活者甚眾以瘞其死者四千五百餘人誘還其俘虜者三千五百餘人兵馬司主求盜事最叢劇而能使庭無留訟皆其灼然可紀者也

觀公名位之進則積善之慶為可知觀公行治之脩則義方之教為可見是用牽聯而備書之公有子二人長曰惟德國學生次曰螟蛉女三人皆在室其蕃衍盛大未艾嗣是宜有屢書不一書者銘曰

王氏之先奮自遼東際逢興運克有伐功率居于燕蟬聯奕葉踐馭中外珪重組疊志局于位厥施未光委祉後人五世而昌煌煌密章馳恩文祖升華禁從䟽封胙土惟神在幽被服褒嘉假茲寵靈大啓厥家史臣作頌庸侈

上德勅諸堅珉昭示無極

藍田王氏先塋碑

藍田王公以奉政大夫僉浙東海右道肅政廉訪司事分按婺之屬邑潛適以衰謝跼伏于田里公不鄙見臨而謂潛曰予兒

時侍先大父之側大父數頷予而言吾家徙居藍田逮汝六世地豐美縣之千里莊先隴在焉粵自版圖入于皇朝墟墓兆域爲豪民所變易吾宦遊四方去藍田久慨念狐猶知首丘汝其勿忘予聞而志之惟謹予自獲被官使數歷中外四十餘年未嘗一飯不在藍田下隧道之碑雖存而多剝落然亦間有可考幸爲予追書其槩而重刻焉庶他日圖補報之萬一而歸老於彼卒成前人之志也潘謹按王氏系出太原廉訪公之五世祖諱臨淵字柏龍金末登進士第累遷通判商州藍田商之名邑覩其山川鉅麗陝右衣冠所聚心甚樂之因留家焉四世祖諱彪字虎臣有膂力善騎射稱雄一省卒官藍田尉曾大父諱子山字安仁始隱弗仕父諱榮字茂卿仕國朝爲奧魯官父諱自邇字遠夫從韓徵君游能講周公孔子孟軻聖賢

之道而通其大意陝西行省辟爲掾屬以久次授荊陽尹爲政曉暢卒未聲譽籍甚擢江南諸道行御史臺監察御史未上而卒今累贈某官廉訪公名武字桓仲幼與群兒戲大父見其頭角嶄然不類常兒指以語人曰克吾宗者必此兒也公既長克自樹立由歲貢入仕歷西南兩臺監察御史入爲太宗正府員外郎拜監察御史出僉四川廉訪司事公天性剛方操履端慤嘗謂朝廷寄耳目於內外臺察官吾終不效塗聰塞明以苟祿固位遇事輒發無所回撓會奉使宣撫行部或誣公有所私奉使不察而簿問焉公不爲屈廳事梁俄壞大蛇出其中衆駭散明日有神降奉使前憑其僦人踈踈叫呼抱公而泣曰公實廉潔勿妄污公奉使大驚事遂解乃改擢浙東有識之士或稱之曰進思報上忠也退不忘所由生孝也可謂精白一

心篤行君子者矣初公當授父廕推以與仲第或調都稅使或亦能力學而承其家公有子惟吉今爲國子高等生蓋其世次可見者如此昔韓魏公訪得五世祖塋於深州博野之蠡吾鄉一新其封植而爲文以記曰謹家牒而不忘乎先塋者孝之大也子孫其志之迄今二百年韓氏子孫世守其遺言而不墜廉訪公敬共祖訓而惓惓於五世祖之塋其能盡孝與魏公固無以異若夫事君以忠則其宦業視魏公猶未艾也潛不佞敢據公所言序而銘之公歸刻諸樂石未者無忽焉銘曰顯顯王氏系出太原家于仕國商之藍田蟬聯再世食茲樂土久乃去之不畱不處恂恂隱君沒身布韋傳子及孫際今昌岢懷材自奮後先躡武卓推御史受知聖主人方側耳朝陽一鳴胡不慙遺不震以轟承之有人靖恭正直追遠不忘孝思

固極緬彼故丘雲深木寒使事有指昌云其還有欲必從匪朝伊夕來瞻來崇載新封植馳恩所加國有典常天日覆臨孰敢壞傷歲時展省益謹其守式固且安大庇爾後

吳府君碑

泰定元年嘉興吳君漢傑以所居官品第七用著令得請于

朝追贈其顯考府君承事郎温州路同知瑞安州事仍封其母陳氏妻陶氏皆宜人厥明年漢傑用舉者以奉官署五品職於是府君累贈奉訓大夫江浙等處行中書省理問所相副官飛騎尉追封嘉興縣男陳宜人陶宜人並累封嘉興縣君漢保祇奉命書齋肅以告已事而退竊自念言所以致是者實先

人積異之效福慶衍溢賁及生有國之寵靈非孱焉不肖所克負荷宜紀世德以承天休垂示後嗣永永無極爰以

四明黃向之狀來謁文縉惟府君之里居世緒年壽卒葬列於
吳興趙公所為誌趨操行事施予惠利播於永康胡公所為銘
庸敢擬取其大者以為植德儲祉之符而顯詩之府君姓吳氏
諱森字君茂其先汝南人後徙居嘉興祖寔父澤並宦事宋為
水軍正將君少襲武弁以沿海制置使李公曾伯辟署准備差
使仕而未顯功伐弗揚 國朝至元間以征東行中書省右
丞范公文虎薦任管軍千戶遭時承平始遂遠引初府君既失
所怙悉推貲產以歸二兄以鞠其弟妹逮有家室推是志也達
之於鄉鄰飢有米粟寒有繒纈病有藥餌死有棺槨舟梁道路
脩除惟時輟田四百畝闢書塾聚閭巷子弟延師儒以教之由
是人知有學有司狀其顛末移部使者覈實以上中書用近比
署其門曰義士云其寢疾也遺命拍種戶通租猶三千石春秋

六十有四以皇慶二年五月癸酉委順而終窆于所居西北之
麟瑞里於歲行既周矣府君有子四人長曰漢英從仕郎平江
等處財賦提舉已卒漢傑其第三子承事郎溫台等處海運副
千戶今方以材顯融於時勉恩所及未艾也嗚呼君子之為善
非以近名而名隨之表立景附聲震響從有不期而至者矣然
其蓄也厚則其奮也不亟易曰積善之家必餘慶吳氏其成
於積而出於有餘者乎銘曰

皇誼古制弘敷孝治疏封班秩永錫爾類顯顯府君匪以子貴
啓慶自躬曰有吾義其義斯何在物為利由家而鄉弗屯其施
單夫寡人幼童弱穉室無凍餒俗有孝悌為而不居嗣人之遺
乃播乃獲乃引勿替有 命自天下飾丘隧赫其龍光松柏
衣被勗哉嗣人無敢失墜便蕃申錫如川方至增崇本始覃及

未裔尚不一書斟酌祭器

華府君碑

華氏之先出宋戴公肇自考父別於大宗食采於華以邑為氏
 傳子連孫世為卿士源遠流分譜軌莫詳公之所祖家宋大梁
 避兵南遷常之無錫卜居梅里克有隱德曾大父智大父曰詮
 補將仕郎遂卒于官父曰友聞屬當內附仕于其州提領稅務
 母曰袁氏實人璞公之諱其字德珍也如有美質不煩師
 教平居沈靜寡於言笑出與事遇剖析是非具有條理無失豪
 釐年登六袞母故無恙先意承志惟其所向兄弟子姓合食同
 居處之盡道家庭穆如奴隸有過亦為揜覆託以他事遣之使
 去世降俗敝泰於富驕公矯其失疏食緼袍薄己厚物樂施無
 靳族姻之貧時加存問或辭不答輒為恹然懷金遺之或以勿

言貸人以錢不厚取息三取其二人以為則推己之善及乎鄉
 鄰敦夸抑末言之諄諄人有鬪訟必諭以理啓其良心俾寤而
 止或以貲產訴于有司曰汝姑退歸而自思兄弟錢財孰輕孰
 重吾儂汝欲汝母妄動其人媿謝雍睦如初一家之讓化行里
 閭歲適大侵民食弗足嗚方有詔以官易粟公輸所蓄千
 石有奇法當得官公乃固辭或輓之行公曰不可民命方急何
 暇私我遺榮弗居浩然而歸山板水滢以教以娛僧某人者同
 飲至醉曰公欲官吾力能致公給僧書可仕者皆官非三品吾
 有不為僧走京師薦于當路授公總管屯田打捕俾以其職治
 治河東晉寧莫寧為其四封畀以右階進義校尉秩則三品職
 郡長吏有隕自天公懼且疑卒辭不就老於布衣至順改
 紀二年辛未四月某日乘化而逝六十有七壽匪不多年不諱

百命也奈何重紀至元二年丙子九月某日葬所居里兆其墓位冷村之原反壤而樹式固且安同郡王氏公之元配没先於公十有九歲子男六人嫡長堃僊以才自致列子朝班居功德司為其都事二十有六華年蚤世次鎮及鎬年俱弗長鈞則未仕鏐亦蚤亡鏗文其次年方幼穉其女三人惟仲前死餘皆有行歸于名門婚鄧大亨暨錢宗元孫男七人十有一女堃僊所生長曰幼武次為宗道沈及慶年次靜及備裕又次焉曾孫男八其女有四由卒而支綿綿世系為之壯者陳君子平以授幼武使束謁銘潛弗敢拒勒此貞石發其幽潛昭示無極

弘文裕德崇仁真人薛公碑

公諱玄曦字玄卿姓薛氏其先在春秋時為列國至唐而河東之族尤著有仕南唐為其司徒者宋秉義郎習其後也秉義於

公為五世祖嘗官于信州因留居貴溪縣之仙浦里曾祖諱瑒太學進士祖諱士亨晦迹不顯父諱勉以學行見稱于鄉私謚文清先生四明袁公誌其墓公生而穎異舉動不類常兒雅不樂紛華年十二辭家入道龍虎山師事故開府太宗師張公及今特進大宗師吳公始至京師即出遊渤海碣石間縱觀古靈僊之迹人莫知其所在久之乃還

仁宗時用薦者得召見侍祠延祐四年制授大都崇真萬壽宮提舉居三歲陞提點上都崇真萬壽宮一皆鉅人元夫俊

游之士皆在朝廷公周旋其間接聞緒論學日益粹泰定元年

奉 詔徵嗣天師既至被 旨住鎮江之乾元宮未行虜

從灤陽還至龍虎臺喟然歎曰楚雲江榭阻萬里引領親舍

寧無惻然於中乎即日辭歸士大夫咸送以詩蜀郡虞公為之

序三年八月也公既歸則闢清寧齋見心亭熙明軒築瓊林臺於龍虎山之西高爽靚幽各適其宜日與學仙者相羊其間而密脩大洞迴風混合之道蓋嘗遇異人而有所授云由龍虎山抵貴溪惟篠嶺最為峻絕乃作屋其上號崇賢館東為振衣亭仍割私田具茗飲以息過客臨川吳公為作文以記之初公所祖真人孫公住杭之佑聖觀孫公仙去法席久虛至元六年外宰相部使者暨諸官僉具書幣迎致公補其處辭不就至正三年四月八日

上御明仁殿集賢以聞制授公弘文裕德崇仁真人佑聖觀住持兼領杭州諸宮觀公不得辭乃拜命而遣弟子攝其事以遂高舉遠引之志焉公性孝友父歿自京師奔赴而歸犯霜露越草莽哀號頓踣若罔克生專意致養以慰其母而卹其弟母年八十有三嘗與公俱感微疾既瘳而

見母喜極以悲五年正旦之日公將復見懼湯母懷使人請曰願毋安意母或繼此當數耒耜也自是歷造山中之者舊及常所與游者若訣別然俄一日酬酢詠歌如平時坐及夜分具盥濯畢語弟子曰天地之間何有非幻吾其逝乎厥明脩然而化是年二月七日也春秋五十有七異時公嘗遊所居東五十里之辰虹嶺愛其幽巖迴復林木蒼潤澄潭前匯秀峰外峙神氣翕聚宜為樂丘乃築壇其處名之曰棲神至是弟子陳彥倫已卒諸孫詹廸敬于有興王景平及趙宜裕等七十餘人卜以某年某月某日奉冠劍而窆焉遵治命也宜裕故宋諸王孫清脩文雅尤為公所愛重念無以伸罔極之報爰伐石以銘為請惟公夙負才氣個儻不羈讀書日記萬言自孔老之學至於天文地理陰陽數術靡所不通善為文而尤長於詩豫章揭公留瓊

林月餘齋三日乃為作序稱其老勁深穩如霜松雪檜百折莫能撓清拔孤峻如豪鷹後鷲千呼不肯下蕭條閑遠如空山流泉深林孤芳自形自色不與物競人以為知言公書札極麗逸片楮出人爭欲得之有聞公之風而未之見者或使圖其像以去見心亭後有土鼻隆然而稱之曰薛公墩其見重於時如此公自號上清外史所著有上清集若干卷推者問一卷會粹群賢詩文為瓊林集若干卷謹因宜裕之請撫張君天兩行狀所述序而銘之銘曰

二氣細縕降靈合真鍾粹安兮超世拔俗秉端抱拙自得師兮誕啓玄秘運行天地執元機兮金符玉章闔陰開陽徹萬微兮續其來下咸契鴻化際昌時兮侍祠竹宮彤璽豐融輯蕃登兮飛佩珊珊頡頏群仙同宴娛兮嚙然高蹈含光弗耀謝車轍兮

山英川靈前驅屏營過其歸兮泊乎其休與造物游葆醇熙兮薰陶所至動植注遂不厲疵兮顯晦自錢無可不可人莫窺兮穹巖邃谷崇臺列屋樂莫支兮以身為累蟬蛻而逝忽若遺兮寥寥工清渺渺玉京邈難期兮方壇密室千歲一日闕音微兮弟子推慕返壤而樹尚何為兮謁辭揚芬篆茲貞珉表時思兮

玄明宏道虛一先生趙君碑

先生諱嗣祺姓趙氏故宋魏悼王十一世孫南渡後家于龍泉父曰若舒生先生於宋亡之明年幼即不凡稍長慨然有出塵拔俗之志年二十四學道于武夷山天游道院高士張君德懋凝神宴坐未嘗出山張君携之至錢唐謁其師真人杜公於宗陽宮一見大奇之公方兼領吳興計籌山昇元報德觀其旁有通玄觀則公所創也遂令張君居通玄先生居昇元以便於咨

叩久之杜公欲廣先生之見聞乃勉之出游京師諸公貴人多慕而與之交方是時開府上卿張公以大宗師主教事今持進上卿吳公為嗣師咸加禮遇因挽真館下聲譽日起延祐元年有旨以先生住仙都山玉虛宮給以銅章俾用甲乙相授受仍兼少微山紫虛觀提點焚修仙都少微皆先生鄉郡之名山也又嘗住金陵之玄妙觀至順元年錫號教門真士玄明宏道靈一先生靈一益先生自號因以命焉人為之榮尋詔改玄妙觀為大元與永壽宮出內帑金帛使加繕治先生即以造大殿建法輪且出私錢作堂宇及外門會昇元住山姚君季安仙去先生奉制命嗣為住持蒞事未幾為建大門買山四百餘畝脩飭敝壞補苴墜缺靡憚其煩吳郡有胥氏之崇福觀管氏之玄真觀張氏白鶴觀俱備禮求先生主之既得

旨以崇福玄真霖永壽及先生至昇元遂兼白鶴先生於吳興金陵並領本路諸宮觀欽承上意扶植道教不遺餘力其徒賴焉在玉虛時兩將使指代祀太華吳山江瀆嵩高王屋濟源竣事過家慨然興退遠之思置由若干畝畀猶子仲成給春秋饋薦之事乃還京師以乘傳函香嚴祠事於龍虎山宣大護持詔書於江淮荆襄廣海八番諸郡使節所憇歷覽勝蹟而訪求巖穴之士得一善輒薦揚之先生自奉甚約終身不茹葷而坐客常論擣瓊擊鮮為具必豐尤喜推轂士類賴其引重而成名者甚衆先生既厭紛華甘淡薄歸休于大江之南而往來山林間凡十年偶自昇元至宗陽遂至白鶴忽顧謂弟子袁守約曰吾世緣已盡將回光而返照矣因索筆書遺言俄歛筆奄然而化至元六年十二月十九日也春秋六十有四其明年

是為至正元年十月十五日守約與永壽之弟子楊玄鑑等奉
遺蛇藏于紫雲閣乾元山之麓以狀介真人華公來徵銘竊觀
先生年壯盛時果於中道窮居獨游邈不與人事接及出而酬
酢世故未始絕物而於物無所凝滯卒乃遠引而去餐和飲醇
以終天年出處之際庶幾可以無憾矣是宜銘遂為之銘曰
古之德人與天者游無累於物不激不流卓哉先生夙志輕舉
草衣木食坐閱寒暑幡然而起一息九州乃侍明廷乃謁介丘
時行時止無往不復歸領珍祠返乎初服捐巧棄智以供其軀
委順而化棲神清都原始要終刻此貞石貽爾後人用慰罔極

體仁守正弘道法師金君碑

吳之長洲有為老子之學者曰金君諱善信字實之家故儒也
曾大父曰球大父曰晬父曰煥漳州路龍谿縣尹母沈氏碩

龍谿之墓故翰林侍講學士揭公實為之銘君幼凝靜少長好
虛無之說欲辭父母去而求師父母不可授以家事而羈縻之
君應酬少間輒取老子書反覆玩味久而曰老子之教初不必
毀形絕世若今人之為也吾黨如蓮花生污穢外接世緣內無
所構聞何必去父母哉既止不行且納婦有子矣乃曰父母留
我者我無不盡其責古之至人雖不必草衣而木食巖棲而穴
處然學必有師我將從有道者就正焉時玄妙觀有雷師生不
識錢數能以符篆捕逐鬼神君甚敬之由是冠其冠而為之執
弟子禮已而聞莫先生洞一者嗜酒醉輒詬罵人雖王公不避
時時呼雲役雷狎褻如兒戲然君知其有道者則延致而尊事
之有所折辱未嘗為之動色或毀其所甚愛之物亦不以為意
先生知君信之篤志授以不傳之秘他弟子不得者而君盡得

之遂建仁壽觀於城東北隅日與其徒研覈妙旨凡旁門小道
力排斥不少置其言以為心神至虛無所汨沒氣定先出諸陰
銷盡諸陽自集蓋有形者陰無形者陽陽益勝陰氣益調精我
得清靜去道無難矣知之不親見之不明枯槁於山林何益乎
蓋其造道之本未可見者如此君初為子弟時無私蓄既壯能
使貨倍其舊鄉里有糾紛不可解輒為揣摩洞見底裏類使之
以柔退不爭取勝過時之名流必加敬禮有不給則周之未嘗
務遺世獨立以為高而其禮度特為沖曠闢一空植桂樹若干
本於其前題曰桂軒列七十二古圖畫徜徉其中飄飄焉神仙人
也故賢士大夫多樂與之游君年雖高而視聽步履如強壯一
日呼左右謂曰吾死矣遂奄然而逝非真有所得惡能處生死
之際若是哉君生於宋咸淳九年十二月十一日卒於今至順

二年二月一日年五十有九以其年三月某日奉遺蛻葬于

丘鄉半塘之原君所自營也君妻溫氏事舅姑克盡婦道教育
其子若女克盡母道人莫不稱之子三人大亨大振大謙惟大
謙為溫氏出女四人孫男女合若干人葬後十七年大謙始以
建安陳方之狀求徵銘昔老子嘗為周柱下史周之舊典禮經
無不知之非棄絕人倫者也至其以無為清靜為教漢人用之
而天下以治豈無益之學哉老子遠矣今道家者流所宗漢天
師張氏既舉賢良方正直言極諫其子若孫或徵為黃門侍郎
或辟為丞相掾祚胤相承逮今千有餘歲不絕有能遵其軌範
無廢人間事有以究夫道之所有不亦善學老子者乎是可銘
也已始君受知嗣天師留國公起為廣德路道錄仍提點仁壽
觀昇之號曰體仁守正弘道法師且以聞于朝再下聖書

朝再下聖書

為之加護予既借著君之道至於出處之大際亦不得而略之也銘曰

老子有云備之於家其德有餘歷世既久龍訛踵偽寢迷厥初歸潔其身長往不返木石與居有美一人清風峻標列仙之儒養生有道不斷外緣神明內腴謂人一心無撓無雜漠然冲虛滌除玄覽抱一不二方與道俱惟是所存久而愈晰百世不渝有崇斯丘表以石章過者式諸


玄門高士陸君碑

高士陸君諱應祥字景雲母為平江人曾大父曰士元大父曰邁父曰文明母戈氏君甫成童而失所怙能自刻厲檢飭內則奉其偏親饘醢滿漚必適所欲無諸雜妹及笄而嫁咸得所歸外則憚其勞勤以植立門戶遇事無小大處之如轉丸鄉鄰有

糾紛不可解輒以為請隨啓其端莫不洞中歎都其幾警練達眾共推服焉性澹泊無厚嗜經營積累餘四十年貨業得比素封未始妄用悉索圭撮以資華靡恒戒子弟以勤儉承其家樂賙人之急族黨不能自振者多仰以食歲饑設糗餌於路以活餓者散錢動以萬計尤篤信釋老氏不喜殺雖為賓客脩具鮮藟之物亦取諸市凡所施與徃徃傾其囊褚無毫髮顧惜意新萬壽寺大殿而造佛菩薩像田畀北禪寺以興復其觀堂所居傍光孝觀摧圯不治首為構高閣廣殿方丈之室餘宜有而未備者迨屬疾猶俾緒成之其創置則有笠澤之瑞雲觀以棲十方羽士橫山之瑞雲菴延蹈流專領之給以田有差作浴室於城南燁湯織履以俟過客而休焉者冬有鬻糜夏有茗飲歲以為常他所建饒益事不可悉紀也維陸氏實吳之著姓上下

千百年名公顯人史不絕書而君之先比教世皆韶光匿景無
所表見君生逢盛嘗頗欲以材自奮百未一試輒引身去著道
士冠教主嗣天師因命為玄門高士瑞雲觀開山住持仍刻上
而加護焉君謝不敢當尋詣向曲山叅受大洞經錄於上清宗
壇意將餐和飲瀉以葆其餘齡且示無所用於世也年七十有
二天統元年十月晦終于家明年二月朔葬吳縣橫山北先墓
之次配周氏子男一人曰德原女二人長適沈宗德而卒次適
施從政而從政又先卒孫男一人曰顯尚幼女二人長適徐氏
震次未行既葬德原以狀來謁曰先人嗇已而裕物平生惠
在人甚多而未嘗自言今所述特其粗爾幸即其可知者序
表顯之子既辭弗獲則悲取狀所述次第為序而系之以銘俾
刊于茲碑銘曰

泉其可欲不榮以祿而無殆無庸行事以智利物以義而無忤
無愧不亡者存揭德有文是率是循在爾後人



金華黃先生文集卷三十

墓表

蛟峯先生所表

臨川危素編次

續纂二十七

番禺劉耳校正

故宋禮部尚書方公歷事三朝為時名臣宋亡晦迹弗仕學者因其自號稱之曰蛟峯先生如隱者焉存
世祖時旁招遺老以待咨訪
詔御史中丞崔或起公於家
辭疾不赴以高壽終

今天子稽古圖治誕命儒臣判定前史以鑒觀其得失而有司莫能奉公事狀以聞竟不為立傳書已上而潛與公曾孫道壑適同在史館因得公言行之詳乃撫其大要而序次之以授道壑俾刻石為所表庸備史之闕文謹按方氏睦之滄安入公曾祖汝翼贈宣教郎祖謙贈朝散郎父鎔封奉直大夫母邵氏贈

令人公初名夢魁。淳祐十年，理宗臨軒策士，覽公所對，歎陳鯁直，親擢為進士第一。賜名逢辰。故公以君錫為字，用例補京官。簽書平江軍節度判官廳公事。寶祐元年，召為秘書省正字。升校書郎，引疾去官。除著作佐郎，未命除。知寧國府，未上。並以言者罷。開慶元年，召為著作郎，兼權尚左郎官。居無何，復以言者罷。除知婺州。以外臺奏寢，新命除。知嘉興府，未上。改知瑞州。甫及暮，亦皆以言者罷。咸淳元年，召為司封郎官，兼國史院編修官。實錄院檢討官，兼直舍人院。累遷秘書少監，起居舍人。三年，出為江南東路提點刑獄公事。徙江南西路計度轉運副使。五年，入權兵部侍郎。同修國史實錄院同修撰，兼侍讀。七年，知貢舉。竣事，除吏部侍郎。丁內憂，服闋，以待左侍郎召，辭不赴。自是不復出。德祐元年，除京湖四川宣撫司參謀官。權戶部尚書，改

禮部尚書，俱以父疾辭。遂丁外憂。此公所閱之官也。秘閣脩撰，公之職也。承事郎，若干轉至中奉大夫，公之階也。某縣開國男，食邑三百戶，公之爵也。鄭丞相清之秉政，御筆以雷變徹樂減膳恤刑獄而獨無求言一條。中外傳聞以為廟堂監謗之術。及兩察官以忤清之去國，公亟扣闈上書力言之。且謂所貴乎大臣者，以道事君，不可則止。今君嗣未定，不能贊之敵國，佯遁無以備之。貨臣聚斂土木，方新顛而不扶危，而不特則具臣而已。聞其屢疏丐閒，留之者愈堅。攻之者愈衆，此非所以愛之時。公猶在期集所而未官也。上特優容之，賈丞相似道制置兩淮，海州喪師，更以捷聞。公上疏言海州之事三尺童子皆能言之。而閩臣以敗為勝，陛下曲徇其意，出御筆令學士院降詔獎諭之。豈不知而受其欺耶？抑已知而姑以掉外觀而自欺耶？願陛下

急收御筆以解萬世之議而免外國之笑借曰萬世之議未暇恤鄰敵笑我何以立國乎公之取怒於似道自此始理宗在位日久務總攬權綱政多從中出群僉乘時弄威福之柄公上疏曰當大本猶豫之秋豈無旁覬蟬之撼南節之礙敵難度其心平勃之屹屹當儲其後又曰天下有貧州縣而無貧太守有貧國家而無貧郎第南司貧而北司之應奉不貧百姓貧而緇黃之窟宅不貧至於挾小才以濟大貪者近親有依憑焉宮中有承愛焉左右有游舉焉陛下以得之左右者出自聖斷而用之曰吾自除吏也不知有從旁竊威福者矣又曰京有尹畿有漕所以培護本根愛養命脉適年居是官者不過為奄豎輩一大承受耳無名宣頭真偽莫詰非時取索隱匿莫規仇士良謂天子不可令閒暇若以財貨聲色蠹其心使無暇更及它事

然後吾輩可以得志今此曹皇皇汲汲求適吾意者正士良之策也帥漕兩司疲於應奉帑庾赤立萬一畿甸之內有一旦警急何所趣辨何所倚仗乎願斷自今日止營繕省宣索兩司不急之應辦悉停之左右並緣需索之有例者悉閣之然後可以救兩司之負緩急之備也上頗感悟而土木之功不為之少戢也公復因論邊事屢及之有曰善處急者不以急亦不以暇古之謀人國於江左者莫富於淮淝而談笑弈棋莫迫於新亭而從容就席固不以急也外示談笑而內有以神其指授之略陽示從容而陰有以伐其壁後之謀所謂暇者豈真暇哉又曰吾其有以自謀而不以鄰國之存亡為安危則不依於人又曰吾之存者為安緩者為喜萬一鄰敵陽示安枕以給我而假敵以

道臍可噬乎又曰今與敵對境我無一日謀敵而敵無一日不謀我彼所築者金城鐵壁我所築者土妖血山彼所築者奪我地為之我所築者奪民地為之其言切中當時玩細娛而不圖大患之病尋上䟽極陳備邊之策曰以必爭之規模奪浮光然後可以全兩淮而保長江以必死之規模守樊襄然後可以拒光化而全江陵夫淮之猶可守可耕者以有一綫之河也今涉河而築浮光乃吾戶內若屯於斯耕於斯教訓於斯日夜出騎以撓我淮東西俱不可耕雖堅城閉壁而坐為禁制不得動矣為吾之計當勉諭淮閩盡力以爭浮光則兩淮猶可安枕也萬一樊襄不牢彼反奪之則江陵孤注尚足恃哉為吾之計當擇荆之猛將責以必死之規模守樊襄則北可拒光化南可全江陵一則思所以奪其地二則思所以爭其民則對壘之勝負

當在此而不在彼矣識者謂公此䟽真活國之良劑朝廷不能用以至於亡而公言無不驗故重為之太息焉御史洪天錫劾內官盧允升董宋臣不行而去公移書宰相勉以行申屠嘉之事且抗䟽援膏肓一豎為喻曰何陛下愛其國不如愛二豎之甚乎漢唐之季建置天子在奄豎掌握罪大惡極朝廷不能誅之天下必有起而誅之者漢之宦官陳蕃竇武爭之不勝并州之將操戈而殪之唐之宦官宋申錫攻之不勝河中之帥移兵而屠之小人之在君側操心何所不至其所以不敢動於內者蓋有所憚於外若外不足憚則無忌憚之心生而無君之惡動矣言尤激烈上覽之不悅公遂稱疾求去丁大全方以臺長用事欲鉤致諸賢公見幾而作謁告徑行董丞相槐勸公不必遠引公曰丞相且自照管越數月果為大全所擊而去吳公潛拜

左丞相公亦召還會國子博士徐庚金等言大全雖去相位而六賊尚存乞誅之以謝天下上諭潛不當引汲庚金等議論紛紜潛於榻前自辨上為之歛容而隙自此開先是鄂渚危急上命似道提師江陵似道奏請下流兵權潛奏鄂以上既屬似道鄂以下宜屬趙葵上不從徑以下流併聽似道節制凡似道密奏外廷不得預聞上反以不知邊報為潛罪及廷臣奏忠王之立人心所屬潛獨不然葵謀叵測潛遂罷相中外揣揣疑必有後命公上疏曰天下之所同好我獨惡之天下之所同非我獨是之則為人士者亦難知矣夫抵上易知則下親上難知則下畏下親則上安下畏則上孤窘急而求之一緩而遣之號呼而進之一唯而退之旁觀沮縮何以作人任事之氣乎上問為誰公奏臣不敢直指願陛下曲回天怒以安中外上乃首肯而榻

前款密之言外廷無聞知者既而似道入相希指論公者章連上矣度宗即位公乃還朝一見甚喜欲大用之公乞命朝臣為知縣以重其事權專以均田稅正版籍均力役勸農桑崇孝悌訓士卒除盜賊為考課之法有旨從所奏後沮不行此公之忠謹見於立朝者也信州措置軍糧夾宜召亂朝廷以江東臬事付公聞命就道及境或來言城中事勸公偃旗息鼓而過公笑不答即日單騎入州決獄一城肅然戒能事者訪得亂卒姓名禽其兇渠逆黨悉寘于法事平有詔褒諭比公於韓魏公云蓋公於他獄事莫不盡其情故一路無冤民而盜賊屏息及將漕江西有獻議於廟堂請以銅錢一當十委公自江西行之公抗言其不便而止講行賑糶以救民飢乞蠲和糶以甦民病有女妖以左道惑衆隣郡愚民千百成群踵門徼福公杖而流之由

是遂息此公之績用見於出使者也蓋似道柄國十有六年公屏居者十年諫則不行言則不聽而施于有政者又屢屢若是此有志之士所以羨其際逢之盛而惜其設施之未究也公天稟卓絕於書無所不讀而會於理學以爲歸宿自爲幕職官至東麾持節所至以教化爲先務暇日輒從容庠序間授學者以求端用力之方自躬行上起自人倫日用上起發之東陽有好事者創義學迎致公爲之師從游者數百人閩人林光世寅綠宦豎而賜出身素不滿於科名之士及爲浙東常平使者首劾公不當俯就義學之招婺州之命由是而寢公遂即家建塾以私泮其徒後以從官侍經帷每事啓沃以格君心度宗眷遇之甚至問公講授之所賜御書扁額曰石峽書院仍賜手詔褒寵之江南新附鄉冠猖獗官舍民居盡燬而書院巋然劫火之餘

葺治既完而諸生稍稍來集公倡明正道以致和力行名其堂以仁義禮智名其齋時所在士風頹靡公所以振起而作新之者成效甚著此則公自任以師道之重期於繼往聖而開來學者也公所著有孝經章句一卷易外傳圖說五卷尚書釋傳四卷中庸大學釋傳三卷格物入門一卷行於世公人物魁岸聲音如鐘磊落若青天白日渾淪醇厚不見涯涘觀書至老不廢視紛華盛麗事蔑如也待諸父昆弟子姪各盡其禮接物以誠而無不悅服不爲察察而自莫能欺公卒於至元二十八年正月三日享年七十有一以三十年三月二十九日葬于縣西之安谿娶邵氏封令人再娶朱氏子男三人長梁太學生次棟次杰入 皇朝並以儒起家棟月泉書院山長杰長洲縣儒學教諭然皆淡於進取不有顯秩女三人長適脩職郎無爲軍無

為縣主簿徐敏中次適武學生項雄飛次適邵元廷孫男四人
女三人曾孫男七人女一人棟之孫道壑以至順元年擢進士
第今自翰林國史院編脩官出為嘉興路總管府推官階某郎
石峽書院既領於有司而設師弟子貞道擊病其庫迫弗稱乃
以公之故居廣其基址而新其棟宇絃誦之聲不減公在昔先
儒有言道不行百世無善治道不傳千載無真儒公之道雖不
行於當時而其學有以傳於後世夫何憾乎潛之曾大父左曹
府君實公榜中進士託斯文之雅故於公門四世百年矣今所
沐乃學士大夫之公言非潛之私言也來者尚有考焉

格菴先生序表

格菴先生趙公宋執政也公之志業未及盡展於一時而淋艾
之私有足惠幸乎百世讀其書者知為吾先生而已蓋自考亭

朱子合四書而為之說其微辭奧旨散出於門人所紀錄者莫
克互見公始采集以為纂疏本四方學者既家有其書以故弗
論若公之世系出處固不可俾後之君子無述也按趙氏之先
蒯人齊國公迺遷居洛齊公之子是為韓忠獻王族大以衍派
分而三居亳者曰光祿鄉期又遷處之縉雲由光祿三世至公
之曾祖考諱濟贈太子太保博平郡公祖考諱軫贈太子太師
東萊郡公考諱雷以再薦于鄉特贈開府儀同三司少傳衛國
公妣田氏贈蘄國太夫人公諱順孫字和仲八歲能誦說九經
嘉定十五年賜童子出身真文忠公見而奇之謂少傳曰大君
之門者必此子也公不以自矜益務親師取友而求其所未至
朝淬夕礪幾三十年乃以春秋試于鄉于禮部皆第一淳祐十
年賜進士出身調太平州學教授秩滿差江東常平司幹官未

上改臨安府學教授召試除秘書省正字兼景獻府教授陞校書郎添差通判婺州以內憂去咸淳改元入為秘書郎兼宗政殿說書公因進講言今茲建元伊始正治亂相承之機度宗竦聽諭公曰鄉老儒議論似富弼蘇軾公退有旨擢監察御史仍兼說書歷方正言左司諫遂為殿中侍御史皆兼侍講進侍御史兼侍讀公又當言路凡日食震電水火為災必援据經傳及累朝故實為危亡可畏之說隨事致戒時帑藏乏而人主不知宮掖汰侈而大臣不問公疏奏者八面奏者三謂周官九式均節財用冢宰實總之全之大臣未聞過而問也豈不曰錢穀出入當如陳平問之主者乎大臣自處不在周公下而以陳平為足法乎真宗嘗令三司具中外錢穀大數陳恕以天子富於春秋若知府庫充實恐生侈心竟不進恕慮先朝知其有臣憲

陛下不知其無也度宗不以為忤令內外諸司條具申省以聞公又言內廷之怒不可輕發恩賞之濫有所謂特除特轉特補特贈者不可輕徇庶僚上殿過為瑟縮專求瑣細以備對揚當申儆之以格習諛踵陋之風累疏乞召洪天錫陳宗禮陳宜中還居言職勅龔日新昏鄙不宜為察官它所薦湯漢李伯玉何基徐宗仁呂圻歐陽守道呂夫圭等數十人多朝廷宿望及當世知名士度宗皆嘉納之美人楊氏進封淑妃公率同列言美人父楊纘上遺表未半月進封之命已下獨不念其有萬章之情蓼莪之感乎疏入遣中使問公以正謝之期降制之日何時而可俄又宣諭欲以百日為制公復奏請以暮年為期時雖不能悉如公言猶久之乃成禮謝堂以從官導旨樞庭出入宮禁權傾中外公奏外戚用事漢祚中微長此不已禍有不可勝言

者庶疏其姦於榻前以去就爭之度宗諭解至再公執之益堅卒免堂官堂第廩以節鉞奉朝請居近市其家僅日伺於闕闈間細民以物求售輒攘之公奏其狀度宗以東朝故猶豫而不報公抗疏不已卒罷廩朝請仍徙其居似道以太傳平章軍國重事公力陳其買田變楮之弊乞討論之似道上章自辨且求謝事會其姪蕃世守廣德負勢貪虐公奏黜之似道滋不悅公屢以疾丐去皆不允新宮之建議毀民廬以廣衢路雖用公疏令帥漕兩司相度指定奏聞而帥漕希旨持兩端之說公再疏言力爭堅挽於事將形之初者耳目官之責陰消潛格於人不知之中者有股肱之大臣在今之師臣相臣有諫王清昭應如王旦之密疏乎似道復上章自辨且乞骸骨公亦以疾丐去除吏部侍郎兼國子祭酒兼同脩國史實錄院同脩撰仍兼侍讀

公猶不自安求去益力遂以顯文閣待制知平江府兼淮浙轉運使四年八月也先是郡庠赤立率以夏初徵民租公謂古者十月納禾稼今先期半載民何以堪僉曰此例行之三十年不然將有乏興之憂公不聽首以俸入及例卷所供助糴本而抑浮費以繼之糴幾二十萬斛造免預徵郡既大治創學道書院俾諸生肄業焉五年復以吏部侍郎召尋陞尚書兼職如故於是似道方諱言邊事言援襄者尤惡之公之入對首言今所謂危急存亡之秋毋曰端平失襄他時可以復襄今日之事與端平異不亟援襄禍至無日許翰有言治世諱危亡之事而不諱危亡之言亂世諱危亡之言而不諱危亡之事人臣知危亡而不言則人主處危亡而不知矣入則無法家拂士出則無敵國外患者國恒亡今敵國外患有古之所無而法家拂士無古之

所有臣甚為國家慮廩也度宗為愀然變色似道嘆曰此書生
腐語爾襄縱不守何至不可立國遽以亡言不亦甚乎公雖莫
能與似道合而似道以公時望所屬每倚重焉六年由吏部尚
書拜端明殿學士同簽書樞密院事進簽書院事兼權叅知政
事八年同知樞密院事兼叅知政事公自躋政地數建守備之
策似道自詭知兵終不以為意馬丞相廷鸞辭位去公獨知首
院印度宗欲遂拜公右揆兼元樞公聞之歎曰不早用吾言國
將亡而吾相吾其為張悔矣比降麻公適中末疾乃弗果拜中
使傳旨宣問趣御醫診視旁午於道疾少間除資政殿大學士
提舉臨安府洞霄宮仍書御扇出尚方物以寵其行公舟次富
陽謂所知曰吾一疾勝二十四考矣十年依舊職知福州福建
安撫使為州民代輸夏秋二稅錢以緡計者四十餘萬而寬催

特放蠲減之數禮士搗軍之費不與焉代還之日其士人爭以
詩文誦遺愛軍民焚香夾道持綵旗擁車不忍去者數千人公
既歸知省事不可為憂慮成疾醫以藥進公麾使去曰吾可死
矣以至元十三年四月二十又三日薨于里第之正寢壽六十
有二某年某月某日葬縣南鄉慈雲之原公階止太中大夫爵
止縉雲郡開國公食邑二千五百戶食實封五百戶配胡氏贈
魏郡夫人子男三人長曰鞏次曰瑾次曰華惟華以承奉郎直
祕閣終鞏仕 皇朝歷南劍建昌邵武福信五路總管積官
通議大夫贈兩浙都轉運鹽使上輕車都尉追封天水郡侯謚
懋康瑾承事郎南劍路光澤縣尹女一人婿曰東平呂汲孫男
八人長曰桂承德郎湖州路烏程縣尹次曰楠曰機曰棣曰權
曰椅曰某曰某女八人長適懷遠大將軍芍陂屯田萬戶陳夔

次適葉可大應大圭陳璋胡衡陳允德杜龍幼在室曾孫男七
人女三人玄孫男五人公幼孤謹於事母而持身以嚴嗜好殊
簡薄踐馭中外餘二十年家無留貲焉初少傅師事考亭門人
滕先生璘授以尊所聞集公既脫去場屋遲次里居因以得於
家庭者溯考亭之原委纂疏所由作也後雖成書猶不廢考訂
至易簣乃已公處館職兼史筆者或質所疑輒口占其本末以
授之其博敏又如此奏草存可見者二十有九所著惟四書纂
疏行於世近思錄精義若干卷孝宗繫年錄若干卷中興名臣
言行錄若干卷文集若干卷並藏於家公位二府法宜有謚于
太常有傳于國史而公之歿也兩宮北上九陔旬矣後五十有
五年公之孫機以墓隧之石未有刻文爰以狀授潛俾譔次以
備闕軼潛於公纂疏之書童而習之而我曾大父戶部府君又

與公有同年好施及後人不敢以不敏辭惟公夙受主知以言
事官論是非殿陛上方嚮用而輒自引去晚執事樞國出已棘
范希文脩京城之策不用於慶曆李伯紀經制兩河之策不用
於建炎而公援義之策不用於咸淳天之所棄孰能興之是誠
有非人力所及者奉身而退以全其歸則公之自處可謂無憾
矣銘曰

道之不行託于空言顯顯趙公則既有聞言路之闢衆正所聚
山川出雲膏澤存下夫豈弗逢止或尼之瀆則不告歛藏著龜
善非爲名禮進義退靖共夙夜罔聞外內有命來覲宵衣以須
蹇蹇匪躬終始弗渝孰尸其功不自爲政時遊廟堂勞以二柄
念彼多壘瞻彼四方曰其殆而繫于包桑執之仇仇聽之藐藐
獨安其危而以爲樂大厦之騫孰持孰扶當亡曰噫其遂相予

天胡畱之弗俾卒相了以晉陽為國保障允矣明哲歸潔其身
碩果不食曰惟斯文若昔大臣飾終有禮謚在秦常傳在大史
公則不逮公多遺書銘以昭之過者忒諸

盤峯先生墓表

睦之桐廬有隱君子曰盤峯先生以至大三年正月八日卒年
六十有七越七年乃克葬于縣北大隱阡先墓之次延祐三年
十一月某日也去年秋潛以退休之餘被命復出艤舟桐
廬驛先生之孫裕來謁曰吾祖之葬子之鄉先生方公鳳既為
誌于玄堂而未有以表諸封隧今三十有二年矣懼愈久人無
得而稱焉敢惟子也請昔在宋李先生之外舅將作少監朱公
杰與潛之曾大父戶部府君任同朝居同里先生於潛為大父
行潛年十六七即叅陪於杖履之末先生古貌野服高談雄辯

四座盡傾每語當世事及前代故實臚不倦然喜汲引後進
有如潛之無所肖似猶不以凡子見遇每折行輩以相傾下與
懷疇昔夢寐不忘竊願以一言自託於先生不可得而潛亦老
矣矧以裕重有請乎先生少力學工於文辭嘗携所業贄見內
翰劉公克莊大奇之由是名動州邑弱冠游太學登咸淳四年
甲科賜進士及第調衢州軍事判官用龍飛恩階文林郎居官
有廉能聲大衆家公鉉翁詳刑浙左雅知先生所至輒挽以自
隨獄事悉委焉屬部之民有縱火殺人者株連坐繫甚衆歲久
不決先生探得其情多所平反它疑獄經先生詳讞無不服其
明允衢俗好鬪不相能則弄兵以相讎先生被郡檄徧行村落
戒諭之皆委刀劍為良民蜀名鄉史公繩祖僑寓是邦先生暇
日輒相與研究先儒性理之學為士者往往聞其緒言而有所

開悟故相留公夢炎郡人也愛先生才且賢欲以女歸之先生不可乃已秩滿辟御前軍器所幹辦公事未幾國破而家亦燬先生避地萬山中草棲露宿若與世隔久之乃歸而稍復其故宇爲終焉之計程公鉅夫以侍御史將使指南來求遺逸之士得先生以應詔先生固辭弗能強也留公入覲後爲吏部尚書所薦前進士七人獨王公龍澤起爲行臺監察御史而先生甘老於布衣桐君古隱者盧於東峰指桐爲姓縣以得名先生居東峰之下西望漢嚴子陵釣臺唐方玄英白雲原僅數十里山峙川流儀刑如在先生徘徊其間慨然以古人之風節自期與鄉先生袁公易魏公新之爲三友袁魏云亡先生踦孤子立如鼎一足意有不適咄咄書空而已家公當運祚之垂絕以使事如京師以留河間先生數致書候安否暨得歸年已八十

先生徒步往見之握手道舊故輒相對欷歔泣下前郡守方公回既奉版圖上千職方復以總管兼府尹終更猶留居以乃去前後十有二年先生不一造其門後與之邂逅于錢塘始恨識先生晚賦詩媿謝焉先生屬續前二日猶與親友劇談盡數刻精神無少憤耗亦足以見其所養有素矣孔子曰殷有三仁焉說者以爲人臣之義莫易於死節莫難於去國而屈辱用晦者亦所難辨宋之亡也先生不在其位而未始行乎患難不降其志而卒以明哲保身從容於出處去就之際而不至於屈辱其善用晦者歟蓋人之難能亦非人之所能辨也是用因其迹以推其心之所存論次而表顯之庶百世之下有觀感而興起者焉其言行之詳誌所載已具茲不復贅先生姓孫氏諱潼發字帝錫一字君文盤峯其別號也先世由婺之金華徙桐廬遂爲

陸人高祖顯曾祖寶祖漕貢進士廉父承奉郎致仕之才母孺人方氏妻朱氏子男二人濬誼女二人適施昉毛元孫男若干人女若干人曾孫男若干人女若干人先生所著述散見於學者之家子死孫幼父未克哀集彙次以行惟手編前賢紀詠桐君事曰桐君山集者人多傳之

石先生墓表

先生石氏諱一翬字晉卿世爲婺之義烏人至大四年年八十有二卒明年十有二月壬申葬賈山之原嗚呼先生宋景定甲子鄉貢進士也人莫或用爲其稱而稱之必曰先生者先生學者之共尊衆人之同慕也初徐文清公倡道舟路上及門者或仕或不仕皆時聞人文清之學蓋親得於考亭而祕書丞王君世傑則有得於文清者也先生少受業于監權貨務都茶場王

君若訥既又從秘丞君游學日以茂實大而聲遠負笈而至執弟子禮者亡慮教百人然自秘丞君以來惟用舉子業相授受故先生之門名賢書升學館者相望其高第或據乙科最後權貨君之孫龍澤遂爲咸淳甲戌進士第一入

國朝以材學

顯融於時者猶彬彬焉識與不識咸以是爲先生之盛至其端緒之微蘊奧之邃世固未必盡知之也蓋先生晚而覃思於易著互言總論十卷其爲說不皆本於徐氏凡文清之教曰命曰性曰心曰中曰誠曰仁微辭奧義或尚有託乎嗚呼昔者子貢蓋歎孔子之文章而以性與天道爲不可得聞竊意今之稱先生者雖其文章猶莫得而聞也願以是瑣瑣者爲其盛邪吾見其爲先生之累而已嗚呼所謂同尊而共慕者其果於此乎彼乎潛生也後幸執弟子禮而不及與夫數百人者群游並進於

先生十卷之書復未能與有聞焉間乃擬其棄餘以充有司之
求向之累先生者閱四十年而固在也嗚呼使先生之道卒擯
過而弗揚者誰歟潛實懼焉謹次其師友淵源揭表墓道庶來
者之求先生無以彼易此而徐氏之傳不終寥寥也先生之世
出行事具於塚上之銘壙中之誌疎不著至哀無文至敬不飾
故亦弗復為之辭焉

處士蘇公墓表

真定有隱君子曰蘇公諱誠字誠夫其先由藥城徙行唐又徙
真定累數世丘隴俱無恙而譜逸不傳所知者公諱元老母
孫氏金貞祐二年舉家南遷而公以興定五年九月二十三日
生于汴年十有二 國朝伐金之師渡河汴城危蹙乃待親
北還道路梗澁數瀕於死期月始達年寢長事親盡孝世故一

不關於念慮然以生長戎馬間慷慨尚氣節時河朔甫定諸豪
或乘勢肆為暴橫民皆逃匿公奮不顧率眾禦之諸豪亦斂避
不敢犯鄉井悉賴以安兵難流離之際人鮮知學公首延師教
其子而里人稍有來就學者公平居喜飲酒而不及亂善治生
而不求富輕財好義人有急則往赴之莫不稱其長者大德二
年十二月二十六日卒於家享年七十有八葬真定縣新市鄉
新城原娶畢氏廬州宦家女前十五年卒於至元二十年三月
十六日享年六十有三合葬焉子男五人長曰榮祖累贈嘉議
大夫兵部尚書上輕車都尉追封真定郡侯次曰玄曰實曰信
曰德順和寧路儒學正女二人孫男八人長志道中憲大夫嶺
北等處行中書省左右司郎中累贈中奉大夫河南江北等處
行中書省叅知政事護軍追封真定郡公次嗣道安道允道達

道師道進道昌道女十七人曾孫男十一人天爵今通奉大夫
江浙等處行中書省叅知政事天澤真定某提舉司都目天益
天覺天彝天常天章天申天經行唐縣尉天紀天祥女十一人
玄孫男十四人昌文國子學士昌言侍儀舍人昌衡宣政院宣
使餘尚幼公歿已五十年今叅政公天爵始奉國子司業楊俊
氏之狀以授潛曰自吾高祖暨吾祖吾父墓隧咸有石章以紀
德業吾父神道碑銘則中書叅知政事許公有壬承 詔撰
述也惟吾曾祖之墓未有以識之茲用伐石為表幸為我書而
刻諸苔諸葛孔明與龐德公生並世而或出或處有不苟同夫
亦各行其志云爾 國家肇造之初起閭閻而趨風雲之會
以建功立號者皆公一時之人物公獨退藏於密而居易以俟
命迨其孫魯當太平之盛際乃以政事文學為時名卿行且推

恩三世不有得於彼必有得於此矣公之託身畎畝固不減鹿
門之高致所以遺其子孫者以今視昔為孰多乎潛曩嘗忝載
筆從今參政公之後不敢辭以年侵學落輒因狀所叙而論次
之如此公之隱德非名言所能既者亦靡得而詳焉

翰林待制柳公墓表

公諱貫字道傳姓柳氏其先由展季仕魯食采柳下因以為姓
子孫居河東者在唐為官族宋南渡初有自解徙杭者生子曰
森又自杭徙婺之浦江家於縣西烏蜀山應四世至公之曾祖
考諱蘊俱韜晦弗仕而寓迹於醫祖考諱補之迪功郎嘉興府
崇德縣主簿考諱金忠翊郎高郵軍高郵縣令入 皇朝以
公貴贈奉訓大夫淮安路泗州知州飛騎尉追封浦江縣男妣
俞氏追封浦江縣君公之生也外大父閤門俞公葵暨泗州府

君同擢右科進士第因命之曰贊義取以兩文易兩武贊於今
文爲貫故公自署其名爲貫云公幼有異質穎悟過人嘗侍泗
州府君謁神祠得旁人所遺金珠可直萬緡密伺其人復至而
還之泗州府君大驚知其器量不凡期以遠到卅歲遣受經於
同郡金先生履祥即能究其首趣而於微辭奧義多所發揮既
又執弟子禮於同里方先生鳳括吳先生思齊粵謝先生翺三
先生隱者以風節行義相高間出爲古文歌詩皆憂深思遠慷
慨激烈卓然出於流俗清標雅韻人所瞻慕公左右周旋日漸
月漬不自知其與之俱化也抗於宋爲故都向之宿儒遺老猶
有存者公徧遊其門無不折行輩與爲忘年交而與紫陽方先
生回淮陰龔先生開南陽仇先生遠甸黃戴先生表元隆山牟
先生應龍永康胡先生之純長孺兄弟交尤密往來咨叩無靈

日凡學問之本末文獻之源流歷歷如指諸掌發於論議言必
有徵不徒事浮藻以逞世好也諸公亦往往喜爲之延譽由是
名聞於一時初東平王公侯持使者節按察屬部大舉學政教
官之備員充位者一切謝遣之更延致前代賢士大夫之老於
文學者補其缺於是泗州府君爲之起而主教於鄉邑公在侍
側王公一見輒加器重亟稱薦之公年甫弱冠殊未有仕進意
後十有餘年始以察舉爲江山縣學教諭又爲昌國州學正江
山乃川阻山窮處昌國則邈焉雲海島嶼間公不鄙夷其所
至日與爲士者敷陳仁義道德之說人多化之用累考赴選集
於京師中書左丞張公思明首令子弟未就學達官大人得公
文皆竒其才公例當教授一州用薦者特授湖廣等處儒學副
提舉未上改擢國子助教階將仕佐郎由助教爲博士轉將仕

郎前後在弟子列者千餘人業成而仕後多知名遷徵事郎太常博士時方承平稽古禮文之事次第並舉遇有所討論公援據詳洽權古今之宜而為之折衷廷議莫不服其精當沅州歲貢苞茅四十甌茅輕舟搖多致覆溺公請以附它貢物鎮其舟至今以為便勲戚大臣請謚者數十家文移山積以格不行公悉為考行易名以上凡三月而畢臨江守李侯倜為部使者所劾他使者力辨其誣後終於大官當得謚其家求於謚議中母及臨江事公曰著其事所以白其非事安可没乎其子乃歎服柄國者欲以其祖配食孔子廟眾莫敢忤公獨毅然持不可而止有神降于洛郡長吏列上儀曹乞加封爵公以為神姦能鼓民不治且將為亂宜下所部禁戢之儀曹符本郡如公言監察御史馬公祖常薦公才任風憲章再上不報迺外以文林郎

為江西等處儒學提舉視事伊始吏循比舊以例卷進歲為米八十石公斥去之後來莫有敢進襲其弊者龍興郡學久廢公為新其棟宇聘名儒為學者師士風以之復振道士作廟屋侵學地東湖書院田為僧所據者三百二十畝悉奪而歸之他書院不籍於官者無慮數十舊設主領一員司其金穀之出納公命勿設而以其事分隸所在學官豐城尸教席者不任職士子因持其短長交攻互訐公折以片言而各當其罪莫不心服脩漢先賢徐孺子墓立宋高士蘇雲卿祠古碑碣所紀有關於名教者必訪求而重刻之苟可以扶世導民者無不為也南康倉吏坐株連逮繫者百餘人公被行省及憲府檄讞其獄鉤擿隱伏而得其情所平反甚衆人尤服其長於政事秩滿而歸杜門不出者十有餘年自號曰烏蜀山人扁其齋曰靜儉室廬僅庇

風雨饘粥時或不給而處之裕如若將終身焉

今天子更化之初登用儒雅而中朝諸老多已凋落近臣

以公名聞于上乃以翰林待制承務郎兼國史院編脩官

起公於家公愔然出見使者退謂人曰吾老矣忝列職禁林儻

緣次對而獲陳堯舜之道以禪聖政之萬一豈非幸歟會

有詔復行貢舉法留主文衡於鄉闈竣事乃行到官僅八

閱月俄以疾卒于寓舍至正二年十一月九日也享年七十有

三省臺院監皆來致賻集賢吳大學士直方國子吳博士師道

並敦鄉曲之義共紼紀其喪事靈輻南還諸公引紼陳莫於都

門之外道路之人咸為咨嗟墮涕夫人盛氏累封浦江縣君前

公十二年卒以三年十二月二十三日合葬于縣西通化鄉荆

山之原子男三人長卣次同次因孫男三人秬穎稷秬早天穎

以父命用公廕入官未調女一人公氣韻沈默局度堅凝平居
未嘗見其疾言遽色雖有桀驁者亦皆望之而意銷孝友本乎
天性第實出後外家俞氏遇之恩意彌篤讀書博覽強記自經
史百氏至於國家之典章故實兵刑律歷數術方技異教外書
靡所不通故其文涵肆演迤卷容紆餘才完而氣充事詳而詞
藪蔚然成一家老不廢詩視少作尤古硬奇逸而意味淵永後
學之士爭傳誦之工篆籀楷法善鑒定古彝器書畫而別其真
贗晚益沈潛於理學以為歸宿之地焉所著書有近思錄廣輯
三卷字系二卷金石竹帛遺文若干卷烏石山房類藁二十卷
盡公之葬也御史中丞張公起巖以居甯監時夙有同寮之雅
故既為之銘納諸壙中卣等復奉門人宋濂之狀屬潛為之表
揭于冢上潛與公居同郡學同志尊游於公為最久知公為最

深所以圖公於不朽者實潛之責也是用弗讓書而授之俾刻焉其辭曰

柳居河東為唐望宗從宋南遷再世外官公生其季逮今盛際以文易武承考之意延祐初元朝多俊賢公游其間翺翔後先于于而未列于庶位詩書禮樂孰非吾事由中而外退也委蛇遺世獨立一紀于茲國之老成日益淪謝鋒車在門公不俟駕有懷欲陳堯舜吾君輪當次對乃以計聞乘化而歸公乎何憾士林盡傷失其一鑑斯文未喪儀刑具存表以石章刻在墓門

張子長墓表

上即位之十一年 分命儒臣纂脩遼金宋三史今師相以監脩國史領都總裁既進擬收擢遺逸之士四人以兩院次對

之職俾參筆削仍

奏辟子長為本府長史使者奉驛券行

四千里求得子長於金華山中力辭不拜四方之士莫不高其

風後五年 申命史臣纂脩

本朝后妃功臣傳於是

山林之招皆正除入館俾預討論子長名在五人之列以翰林

脩撰儒林郎固知制誥兼國史院編脩官召復避不就使指有

嚴不得已為之起行至武林驛卒辭而歸士大夫益以是高之

子長之才之美過絕人遠甚其無媿於前脩可傳於來世者則

不在彼而在此也子長姓張氏樞其名子長其字幼聰慧爽朗

受教於父屏巖先生而外家潘氏蓄書數萬卷金石遺文千餘

卷子長盡取而讀之過目輒不忘且能通其大意年十四五肆

筆成章頃刻數千言嘗作小臣策譏宋高宗忘親事讎而追為之定復兩宮之計以為當時狃於宴安莫有知出此者時前代

遺老多尚存無不降歎弱齡益自愛重杜門不妄出頗易視當世直欲方駕於古人同郡之士與之交者可以儂數暇日寓情卮酒意氣豁然視餘子蔑如也海內賢士及名卿才大夫至於是邦皆以得見為幸或問以古今沿革政治得失咸樂告之宇宙之分合禮樂之廢興以至帝號官名歲月先後皆無所舛誤每及一人則其世系閱與才質之良窳靡歷如指諸掌論事後當成敗不旋踵皆驗初東萊呂成公倡道於婺不幸天不假以年故發之言性理者悉本於紫陽朱文公由文公五傳為白雲許先生子長少先生二十歲先生偶見之漫叩以漢高帝何以取天下輒應口而對出入紀傳貫穿鉤引語蟬聯不能休先生大奇之閱數日子長以書上謁先生答書勗之以正道期之以大成子長請就弟子列先生不可始終以朋友待之自是

子長益歛華蓄銳超於平實學日以粹其能不失乎進退之正者學力所至也凡為文務推明經史以扶翼教道不喜作瑣瑣侈靡諛諛戲豫放浪無實之言謂學春秋者必始於三傳而其義例互有不同乃辨析其是非會通其歸趣參以儒先之說裁以至當之論為三傳歸一義三十卷又謂啖氏於春秋卓然有見於千載之下而陸氏繼之所纂春秋微旨以朱墨別三傳之當否歲久漫滅寢失其真乃重加考訂為三傳朱墨本若干卷言有未周意有未暢則出新義以補之金之鉅儒大寧敬先生有春秋備忘久未及行於世暨入

國朝先生之諸孫

公儼以憲節來蒞於婺橐其橐請子長為之校讎乃因近臣以聞而刻焉謂三國之正閏固不待辨自古國必有魏史亦從其實而書之漢之為漢未嘗稱蜀陳壽欲帝魏而以晉承其統遂

以蜀易漢抑此所以伸彼也壽父獲罪於諸葛武侯而壽又為
武侯子瞻所薄故於武侯之駿功偉烈多略弗著而武侯再挫
司馬懿亦沒而不及內以報私憾外以為時諱也譙周壽之所
師力贊後主納款於魏賣降覆國壽不以為非反善其策餘所
書往往類是乃糾其疵謬之害義正其繁簡之失宜為刊定三
國志六十五卷又別撰漢本紀列傳附以魏吳載記為續後漢
書七十三卷二國之臣有能致節於其君者舊史或諱不書或
書而失其實或僅見於異代之史皆為更定而於漢事必備載
以詳正統或一事數說必參訂使歸于一是非疑似抑揚予奪
咸有論著繫于各篇之後名曰訓志經筵檢討危君素言于長
是書立義精密可資勸講 朝廷為下本郡取而上之宣文
宣之閣藏焉他所著有林下竊議一卷曲江張公年譜一卷謂

宋之亡也將相群臣伏義死節者固已有傳在史氏卑官下士
史卒女婦之死者多史所弗錄乃詢諸故老旁求稗官得若干
人為宋季逸事若干卷平昔所作歌詩箴銘贊頌碑記序說誌
狀之屬有敝帚編若干卷其言闊深浩博而峻厲潔清援據精
切而論議純正尤長於叙事而扶善遏惡率能使人有所感發
懲創至於微辭與義又有未易以淺近窺者大抵其文主於氣
氣命於志志立於學故言無所苟出處之際無不克踐其言江
西鄉闈嘗奉書幣迎致子長司其文衡返其幣而却其請蓋場
屋之文非子長之所謂文也子長之先占籍臨海唐乾寧間避
地來徙是為發之東陽人宋末稍有出而仕者曾祖日新承節
郎祖友諒迪功即父觀光屏巖先生也娶金華潘氏又自東陽
徙家金華先生少游太學德祐納土從三宮北上用執政薦授

婺州路儒學教授階將仕郎仍刻印以給之發歸皇朝之
後有學自先生始在官十年改調紹興路平準行用庫大使循
新例換將仕佐郎以母老不赴遂弗仕家食者垂四十年而終
子長生於至元二十九年二月二十五日卒於至正八年八月
四日享年五十有七娶王氏既不克終事子長故子長無子為
之後者長曰燧李氏甥之子也次曰燃族人之子也以十年十
有二月九日奉子長柩葬于金華縣循理鄉信義里許先生之
歿以其子元屬於子長元欲師事之而子長則以先生之待已
者待焉子長之葬元既狀其行實之詳乞銘於危公且求潛掖
其大者表于墓隧先是浙東部使者交薦子長章九上俱未報
連論撰之命下潛適承乏北扉法當歲舉守令一人因以子長
應詔廷議以子長累徵不應重於勞以州縣之事遂格不

行子長平生大節非獨為士者知之宰執大臣亦知之矣夫既
有以信於今不可無以貽於後元所以汲汲焉為之圖其不朽
也後漢史稱樊英初被詔命余以為必不降志及後應對又無
奇謀深策談者以為失望豈不以其名最高故毀最甚乎蓋名
者衆人之所忌君子之所避也嗚呼子長明炳幾先薰不自焚
膏不自煎以保其身以歸乎全松栢九九清風凜然後今千年
過者式焉

邊氏崇孝阡表

崇孝阡者吏部尚書邊公先世大墓也邊氏居汴之尉氏而墓
在其縣西二里言族氏者以為邊氏出於宋平公之子御戎字
子邊御戎之孫卬為司徒以王父字為氏自漢而下代不乏人
惟詔以儒顯門名尤著五代時鎬為江南李氏將其後子孫或

居楚丘或居陳留汴故為陳留郡而今之陳留縣與尉氏俱隸汴由尚書五世以上軼其譜莫詳所以分與所以徙尚書之高祖考諱鎮高祖妣李氏有子男六人長曰琮次曰理次曰璽次曰琥次去家為浮屠亡其名次諱琰字君琬尚書之曾祖考也幼失怙恃屬夫朝伐金之師南下汴最為受兵之地遂遷避於河北之武道鎮兄弟散處而力田以自給歲適大侵乃南徙汴之紀縣尋復尉氏故業兄弟仍同居焉曾祖妣張氏有子男三人長曰儉娶宋氏有女二人適宋氏鄧氏次曰儀娶王氏有女三人適謝氏李氏王氏次諱信字仲誠贈中順大夫禮部侍郎上騎都尉追封隴西郡伯尚書之祖考也性純篤追念祖父而下流離之餘甫遂生聚而死者未及同兆域以葬大德辛丑乃卜今地率子姓奉遷改葬以祖居中昭穆為左右而正其

位所謂崇孝阡也侍郎年八十有五而卒祖妣王氏追封隴西郡君有子男三人長曰賢次曰贊次曰質女一人適西河耿氏賢字政卿朝耕夜讀且以課其子弟孜孜不怠尚書之幼學壯行成其宦業而致顯融者平昔誨導之力居多其輕財尚義於親黨無彼此之間人有逋負不能償亦不責也家奴有格恭所事者即縱為良民而子視之里人有為水所漂者適見之而莫知其為誰亟攝衣往援之幾共溺而不自悔人稱其長者以後至元戊寅十月卒領邑里之人來吊咸涕泣曰善人亡矣娶劉氏前卒繼孫氏無子有女七人其六人皆歸名族以第六女納贅婿孫某承其家諱贄者字禮卿封集賢直學士亞中大夫輕車都尉隴西郡侯尚書之父也由集賢而上並孝於父母友於兄弟以勤儉起家以慈和睦族守為家法世如一集賢凡及嫂

相繼歿其女歸孫氏者年未三十而夫蚤世子甫五歲念其確持貞節自誓靡他撫存之甚至從妹歸王氏者夫歿子亦夭招致而養贍之以親親之仁推而及人多此類母王氏前卒追封隴西郡夫人有子男一人名公佐字邦臣即尚書也女一人適李氏繼母朱氏封隴西郡夫人有子男五人公輔公略公度公儼公弼女一人適田氏尚書用舉者由山南憲司中臺察院書吏為刑部令史陞樞密中書掾授工部司程歷戶部主事徽政都事經歷擢監察御史遷樞密院經歷中書左司都事吏部郎中出僉燕南北道肅政廉訪司事入為戶部侍郎除海道都漕運副萬戶召還同僉中政院事權中書左司郎中拜吏部尚書積官太中大夫先是尚書在戶部以階三品推恩上及其祖考既增廣堊域設置翁仲而碑石未建懼無以彰 上賜而

昭先德乃馳書金華山中屬潛為之銘潛歷觀自昔草昧之初出其經綸之蘊以翊扶輿運者固已策雋功而建榮名其懷材不試以儉德自保而甘老於丘園者積久必發亦莫不有以庇賴其子孫而表見於後世本深則末茂源遠則流長夫豈偶然哉有若集賢公之親享其報年今八十有三耳聰目明康強無恙及見其子躋于八座北則世之絕無而僅有者也潛雖衰朽無能贊揚盛美其曷敢辭謹備著其世序之詳而顯詩之以為崇孝阡表曰

邊氏之先出宋司徒詔以五經為漢鉅儒南唐將錫子孫居汴友于尉氏統分派衍尚書之貴自其高曾隱居種德不有其名侍郎繼之其積已久煌煌宸章貴子身後餘慶則多集賢是承義方之教成於家庭有亢其宗遂享其報優游事外躬膺榮號

蒼顏白髮金紫交輝既壽而康實世所希緬彼松楸佳城鬱鬱
寵靈所加岡間存歿惟木有本惟水有源培之濬之在爾後昆
推述世序表以樂石念茲厥初永永無斁

費氏先墓石表

昭武大將軍海道漕運都萬戶致仕費公之先湖之長興人家
于荆谿鄉上徐村浮雲山之陽高祖諱顯妣徐氏曾祖諱裕妣
沈氏墓咸在焉祖諱容出贅嘉興劉氏宋季以策干兩淮制閩
得官累階武郎郎任浙西兵馬鈐轄權提舉上海市舶司事因
僑居其地上海後為縣故今以上籍為松江之上海人仕

皇朝卒官懷遠大將軍浙東道宣慰使贈鎮國上將軍福建道
宣慰使都元帥護軍追封江夏郡公諡榮敏夫人即劉氏次姜
氏皆前卒次宋氏追封江夏郡夫人考諱拱辰前武翼郎殿前

司主管機宜文字至元內附從征交趾有功佩金虎符為武德
將軍平江等處運糧萬戶有子六人曰英曰雄曰攜曰傑曰信
曰侃雄即昭武公也天資精悍有祖父風用廕授昭信校尉海
鹽等處海運千戶四遷至武德將軍海道漕運副萬戶涉鉅海
者數十所轉輸米以石計者數百萬年踰六十輒請納祿遂以
今之官職致其事初榮敏公居上海既久先墓在長興者後人
或不能辨其處昭武公始訪求得之而加封植焉每自念一門
三世荷國厚恩而子孫蕃衍三十餘人非前人積慶諸社
無以及此不可不告于來者俾嗣守而勿墜爰伐石為表屬潛
書之而揭于墓之原潛聞之韓魏公曰心不忘乎先塋者孝之
大也歐陽文忠公曰惟為善者能有後而託於文字者可以無
窮昭武公可謂孝之大矣潛之文字安足託乎直書具文不敢

以浮辭亂其實也榮敏公之庶官行事有武公外舅趙文敏公之狀暨前大理少卿牟公所為碑銘茲不復書

張君妻趙氏墓表


潛為諸暨州判官之明年得一士曰張復蓋喪其母踰再閏猶哀慕不已益求時之聞人為詩若文以抒無窮之悲焉竊嘗取而閱之非直其母為可稱道其父之事尤有足紀者夫刑善以勸俗長民者之責也潛幸以末學與聞有政庸擬其繫乎人之大倫者為銘以畀之銘曰
於粵之墟句無之里孰望其地曰有張氏軫君之名君實其字群居太學五載不第文不在茲運去物改白刃可蹈惟義所在爰有賢配克儷其美名曰與婉曾出燕邸五世祖諫疏封安定從伯祖光典領宗正室惟伯父以文藝著兩制八座累膺異數

父曰希堅進食京族出宰桂平千室之邑其叔父壘主亦外藏流芳奕葉後先相望展也令淑婦德是覆宇節自誓棲居四紀至治初年罷集壬戌三月之朏翼日而卒上距始生五百甲子男復暨願訖葬以禮于嗟復也終身之慕禪服既除祥琴弗御父也義士母也節婦不有子孝曷表父母賢長民者宜存風厲願慙不敏承乏下吏瞻彼西莊九九松柏勤辭相哀用勸凡百

金華黃先生文集卷第三十


金華黃先生文集卷第三十


七



日襄在都門從友人許借讀黃文獻公集十卷於明仙居
張儉存神冊李病共去取失膏而附筆記碑狀溢
議於第七卷末尤乖刺不倫於吳門黃君存庵蒐
園前見元槧金華黃先生存書人王各紙里字精字在
始快然莫遂於心也改定景編撰公行狀述所著
書有白損留初卷三卷續景三十卷我烏志七
卷草記十卷此編排次自卷一至卷三十一初景
三續景一至六歌魯曰損留之名其為也考元
將但續景十一至十八先至三十耳黃師奉中序

輯初素臨川危素編次漢書門人王午宗生編
次取云王宗二生即子充景濂也而每卷首但列臨
川危素名在太樸在元季負有名王宗皆後進不敵与
抗行也叙狀亦後漢三十三卷今黃序云十八卷蓋不偽者
沈改痕迹宛然以必三十三之語并和漢書卷三十三卷
耳癸丑九月十有日竹汀居士錢大昕識





Handwritten text in seal script (Zhuanshu) is visible in the background of the endpaper, appearing as faint bleed-through from the reverse side of the page. The characters are arranged in vertical columns and are difficult to decipher due to their small size and the paper's texture.

